



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>











CIMBRORUM
ET
GOTHORUM
ORIGINES,
MIGRATIONES, BEL-
LA, ATQVE COLONIÆ,
Libris Duobus

M. NICOLAO PETREIO,

Qvondam Præposito Synderaas
& Pastore in Aas,

recensita,

Nunc vero primum in lucem
editæ.




LIPSIÆ

Ex officina Johann Melchior Pichon.
Anno 1695.

221. 9. 1032. 6

20. 4. 1883



Amplissimo Viro

DOMINO

NICOLAO KAAS,

Regis Daniæ Friderici II.

Cancellario prudentissimo,

H. S. D.

NICOLAUS PETREIUS.

PErquam multum sane debebunt antiquitatum Danicarum curiosi Saxoni Grammatico Sialandico, Viro doctrinâ excellenti antiquitatisqve indagatori diligentissimo, qvi res Danicas ex umbra in solem eduxerit; atqve adeo historiam Regum Danorum ab anno Mundi 2910. usque ad Annum Ch. 1200, hoc est, per duorum millium ducentorum quinquaginta annorum curriculum produxerit. Quod

DEDICATIO.

si Gothia illa quæ postea Gothla dicta est, Danorum regum imperio subiecta fuisset Saxonis ætate, dubito, quin antiquitates eas quæ à me inventæ sunt, suo opere jecisset. Verum Gothlandi cate, utpote liberi, cum suam originem progressum & alias antiquitates de Cimbris, Longobardis & mannis arctiori custodia continent, quàm ut à Saxone perferrentur, quod utique ego expectavi, & nostra ætate factitatum iam si Danico sceptro subsunt, igitur sine summa difficultate peripi, congeffi & ad umbilicum quæ in hoc opusculo continentur quamvis ad splendidissimam Saxoniam historiam non magis comparavi quàm umbra corpori conferri. Sed enim umbra haud exiguas utilitates, quarum, ut de cæteris antea, hæc inter infimas non est ce-

DEDICATIO.

da, quod per eam horarum & temporis progressus dignoscitur. Erit certe & hoc commodum per jucundum umbram hanc aspicientibus: Nam præter reliqua ingressum Progenitorum nostrorum in hoc Regnum, progressum in alias regiones, successumque distincte & perspicue indicabit. Non diffido, Vir Generosissime, quin hocce umbraticum opus tuo patrocinio concreditum dicatumque ea auctoritate tuendum suscipias, quâ olim sub tutela Danorum maximi Pontificis Absalonis historia Saxonis edita est. Ita demum à tuis virtutibus nihil alienum feceris, mihi spem firmaveris, doctioribus, ut majora conentur, calcar addideris.

Vale.

PRÆFATIO

L. S.

PROdit nunc primùm in lucem,
L. B., liber hic centum & viginti
qvinque abhinc annos jussu Genero-
sissimi Domini Nicolai Kaas Cancel-
larii qvondam Regis Daniæ Friderici
II. beat. & gl. mem. conscriptus, me-
liore sane fato dignus, cùm non so-
lum fides, qvâ majorum nostrorum
origines vicissitudinesqve recensuit
Auctor, verum etiam industria illa,
qvâ in monumentis Gothlandiæ an-
tiquissimis, veluti è tenebris eruendis
iisque cum aliis Historiæ Gothicæ
scriptoribus conferendis usus est, sa-
tis meruit, ut lucem antea videret.
Qvod qvidem munus ïnstinctu Viri
cujusdam Nobilissimi, in cujus Bibli-
otheca manuscriptum reservatur au-
tographum, mihi suscepi, ne labores
beati Auctoris justò, licet serò, defrau-
darentur præmio, & ut illi à plagia-
riis

AD LECTOREM.

riis suis tandem postliminiò vindicaretur honos, illisqve debita apponeretur nota, ne aliena pro suis diutius venderent. Inter quos merito nominare licet *Johannem Nicolaum Strelorvium*, qui Gothlandorum Chronicon lingvâ vernacula conscriptum Hafniæqve Anno currentis seculi trigesimo tertio impressum edidit: Quod si, L. B. evolvere lubet, (*) te fallere nequit, quin Autorem hunc Danicè loquentem legere credas. Quod crimen tamen subaccusare eqvidem licuit, si Autorem hunc nominare dignaretur; sed cum de ejus bona fide meritò qveri fas est, hâc admonitione super sedere nolui. Vale Lector amice & his fruiere. Scribebam Hafniæ Anno Salutis Christianæ M. DC. XCV.

Johannes Melchior Liebe/
Bibliopola.

(*) vid. Chron. Gothlandorum Strelorv. à pag. 6. ad 34.
& confer illud cum Autore ab initio lib. 1. usque ad
annum m. 1502.

ALITOR LECTORI.

Non ego ꝑ Momus lethalia spicula mittat,
Inscreea metuam turpiter ire retro.
Carpis & irrides aliorum Zoile facta,
Ocia cum deamas conscia pigritia.
Laude sua est celebris labor improbus arduus
testans:

Ast nihil excessum de sidosus agit.
Velle suum cuiq; est, delectant otia pigrum:
Sedulitas cordi est aspidus usq; Viro.
Progeniem sed enim Cimbrorum ex stirpe Go-
meri (r)


Eduxi è tenebris, altanimosq; Patres.
Terridilesq; Gothorum acies, qua se agmina
miscant, (2)

Res quibus afflictæ contigit Italia.
Estq; pharetratus Geta adhuc diversus ab hoc-
ce, (2)

Interitu qui urbem perculit Ausonidum.
Unde Gothus noster Geta sit dictus, referavi;
Supplex namq; Gotho fit Geta terribili.
His mea magnanimos junxit quoq; chartula
Danos, (4)

Addidit & Dacos, quos juvat esse fe-
ros. (5)

Fas Longobardos fimit huc afferre vetustos, (6)
Nomen & unde oriens, pagina nostra refert.
Inchy-



*Inclita quæ magni Normanni regna peregi, (7)
 E quibus egressum Sequana ripa videt.
 Non ego rumores quoscunque secutus aniles,
 Sed renovo veterum quæ monumenta do-
 bant.
 Illecent alios externa trophæa, quid obstat,
 Si meus in patrio pulvere currat equus.*

AUTORI.

*N*oturnos imbres, spectacula & ampla
 diei,
 Imperiique vices, dum canit ipse Maro,
 Condigna fugiunt grates, tulit alter honores;
 O quid non paveant virvida corda prius.
 Laude sua est celebris labor improbus ardua
 tentans,
 Ast nihil excelsum desidiosus agit.
 Unica sed superest tibi spes, solamen & unum,
 Quod virtutis amor denotat ingenium,



Autores, qui his suffragantur.

A Milani.
Eneas Sylvius.
 Albertus Crantius.

Ambrosius Calepinus.

Andreas Althamerus.

Anonimus.

Appianus.

Archilochus.

Arrianus.

Berosius.

Baptista Mantuanus.

Beda.

Beatus Rhenanus.

Blondus.

Cornelius Tacitus.

Claudianus.

C. Julius Caesar.

Cassiodorus.

Conradus Gesnerus.

Cunmanus Flinsbachius.

Diodorus Siculus.

Dion Cassius.

Diogenes Cretensis.

Ensebius.

Eutropius.

Erasmus Roterod.

Eginhardus in vita Caroli

Magni.

Fridericus I. Dania Rex.

Fragmentum Gothicum.
 Florentinus Jureconsultus.

Funccius.

Gregorius Thuronensis E-
 piscopus.

Gildas Britannus.

Hunibaldus Hermannus.

Horatius.

Helmoldus.

Historia tripartita.

Josephus.

Joannes Camers.

Justinus.

Joannes Upsalensis.

Joannes Phrisemius

Joannes Ludovicus Vives.

Jornandes.

Joannes Trithemius.

Joannes Damascenus.

Ignatius.

Monumentum Gothicum.

Olaus Magnus Upsalensis.

Procopius.

Philippus Melancthon.


Prolomans.

Plutarchus.

Petrus Apianus.

Plinius.

Petrus



Petrus Parvus Rosafontanus.

Pencertus.

Paulus Orosius.

Pomponius Latus.

Paulus Varnefridus.

Ponticus.

Raimundus Marlianus.

Rbegio.

Strabo.

Saxo Grammaticus.

Sozomenus.

Svetonius.

Sigibertus Gallus.

Sextus Aurelius.

Theodoricus Adamans.

Titus Livius.

Wolfgangus Latus.

Witkindus Saxo.

Valerius Cordus.




PRÆ-

PRÆFATIO LIBRI PRIMI.

C*imbricum* nomen à filio Japhet Gomero derivatum, * *Cimbri-*
cum quoque regnum per ejus proge-
nium antiquitus cultum & habita-
tum, ratio ipsa, nec non eruditissimo-
rum Virorū scripta apertissime con-
vincunt. Verū qvò tempore, aut
unde in regnum hoc, qvòd *Dania*
dicitur, adeo nobilis Colonia com-
migravit, à plerisqve ignoratur. De
appellationibus quoque regni, (sunt
autem variæ, quemadmodum &
gentis) haud multis constat. Siqvi-
dem secundum diversitatem colo-
niarum & familiarum varias domi-
nationes gens Danica sortita est.
Qvippe universa regio regionesqve
singulæ penè partes habent suos po-
pulos,

* *Cimbricum* nomen à Gomero Japheti filio
derivatur.



pulos, quos consuetudine sua denominant. Hinc *Cimbri, Gothi, Dani*, & *Daci* dicti sunt, de quorum appellationibus multi, quicquid in buccam venerit, proferunt. Ego verò non inertium aut feriatorum choro, neve in eorum semper versarer numero, quorum vagetur animus errore, nec habeat unquam quid, & ut Patriæ altrici, quæ pensum exigebat, aliquo modo inservirem, gratitudinemque animi testarer, sedulo volvi ac recolui haud exiguam Historiographorum aliorumque autorum paginam, quorum frequenti lectione, Monumentorumque quoque rerum veterum à me in Gothlandia inventorum notitia adjutus de singulis Regni Daniæ nominibus, deque Coloniis, quæ vel aliunde huc venerunt, vel ab hoc regno aliò progressæ sunt, singulatim tenui filo expediam. Solertis siquidem est Viri, patriæ suæ

origi-




originem & progressum, nec non
quæcunq; illi per superiora tempora
contigerint, cognita habere. Omnia
etenim hæc & scire pulcherrimum
est, & nescire turpissimum. Tanti-
per, Lectores, posticam sannam
(rem etenim, non eloquentiam pol-
liceor) deposituros confido, dum
autores, è quibus hæc collegeram,
mecum evolverint; quod si diver-
sum fecerint, rationem eis con-
stare meminerint,





LIBER PRIMUS DE CIMBRIS.

Confusione lingvarum
facta Anno M. 1759, uti ex
sacra historia colligitur, Go-
mer cum filiis suis sedes no-
vas quæfivit in diebus Pe-
leg, cujus tempore divisa est terra.
Refert enim Berosus antiq. rerum
l. 4. in hæc verba: *Italiam tenuit Go-* Gome-
merus Gallus. Item l. 5. scribit, Gomerum ri ad-
Gallum anno decimo Saturni (quem etiam ventus
Nimrodum appellant) colonias suas in re- in Ital.
gno, quod post Italia dicta est, posuisse, A. M.
Et regionem à suo nomine cognominasse 1797-
illosq; docuisse legem & justitiam. Sed &
hoc insuper addit idem Berosus lib.
eod. Anno XL. ejusdem Regis aliquot co-
loni ex filiis Gomeri in Bactrianis sibi se- Bactri-
des quæsierunt. Josephus autem anti- ani.
qvratum libr. I. cap. 14. scribit, *Ge-*
ther, qui nepos erat Sem, Bactrianos insti-
tuisse.



tuiffe. Verum hæc ita conciliari posse reor, quod aliquot ex filiis Gomeri primo in Bactra venerint, ut Berofus scribit; deinde ad hos accesserit Gether, Josepho teste. Verum Bactriani nihil ad nos. Igitur his missis, ad progenitores nostros revertamur. Gomerus tres filios genuit, Aschkenan, Riphath, & Thogorma, quorum postremus à Josepho Tigran, à Beroso Tagumorma appellatur. De hoc igitur lib. antiq. l. i. c. ii. scribit Josephus. Tigran instituit Tigrantes, qui Phryges à Græcis sunt nuncupati. Atqui hoc factum est A. M. 1830, uti ex pervetusto monumento in Gothlandia accepi. Eodem anno hujus filius Gomerus II. colonias suas transfert in Bosphorum Cimmerium. Verum anno mundi 1850 profectus est Gomerus II. à Bosphoro Cimmerio per Russiam, Borussiam & alias Regiones, donec pervenit in Chersonesum septentrionalem, quæ ab eo dicta est Cimbrica, quemadmodum idem monumentum continet.

A Go-

A Gomero igitur priore ortos a Go-
 esse Italos; cæterum à Gomero alte-
 ro progenitos esse Cimmerios circa
 Bosphorum accepi. Inde progressus
 est Gomerus II. versus Aquilonem
 pervicinam Rusiam, Lithuaniam,
 Livoniam & Borussiam in Chersone-
 sū Septentrionalē, quæ ab illo Cimbri
 cadicta est. Quatuor enim Chersone-
 si ab auctoribus insignes celebrantur
 Taurica sc. in Euxino, Aurea super
 Gangem, Thracia ad Helleston-
 tum & Cimbrica in Balthico mari,
 quam ingressi sunt Cimbri circa an-
 num M. 1850. duce Gomero II. To-
 gormi filio, Gomeri nepote, tempo-
 re Servag, qui Abrahami proavus e-
 rat, de quibus libro sequenti.

Populi vero à Gomero denomi-
 nati hi sunt. *Gomeri Itali*, ut refert Be-
 rosus, atque hi sunt Gomeritæ, à qui-
 bus Græcis Galathæ, Josepho teste,
 lib. ant. I. Sic enim scribit cap. II.
*Fuerunt autem filii Noe filii, quorum no-
 mina propter honorem gentibus, quas con-
 diderunt, imposuerunt homines, & terris
 quas apprehendere potuerunt. Japhet au-*

tem filius Noe, habuit filios septem, & habitarunt isti regionem à Tauro & Amanto montibus incipientem & pertingentem in Asiam usq; ad flumen Tanaim. In Europa vero usq; ad terram Gazirorum, cum nullus eorum, qui supra dicti sunt, ibidem habitator exstiterit, gentes ejus diversis se nominibus appellabant. Qui enim nunc à Græcis Galatæ nuncupantur, olim dicti sunt Gomeritæ, quos Gomer instituit. Hæc ille. Et Berofus dicit eos, qui ex posteritate Gomeri in Italia relictæ erant, Gallos nominatos: nam Gomerus Gallus cognominatus est.

2. Cim- Deinde *Cimmeriis* circa Bospho-
merii. rum Gomerus II, nomen indidit; po-
3. Cim- stremo *Cimbris*, qui hodie *Dani* dicti
bri. sunt. Atque hæc appellationum variatio necessaria erat, quo omnibus manifestum fieret, diversas in diversis mundi partibus gentes ab iisdem tamen genitoribus ortas & nomina sortitas.

Cæterum, si quod de *Cimbris* dixi alicui incredibile apparet, in primis probationes certissime rationi convenientes, dehinc ex pro-

probatīs auctoribus testimonia sumpta in medium proferam, ne quis à me futiliter hæc blaterari existimet.

Mos est apud singularum totius mundi nationum populos, progenitorum nomina filiis, nepotibus, pronepotibus & eorum posteris imponi. Hinc apud Judæos etiam nunc Abrahami, Davidis, Moſeos & aliorum patrum nominibus appellantur multi. Mahometistæ suum Mahomet, Bajazethem & Amurathem in filiis nominandis concrepant. Et inter Christianos Germanis (ut de reliquis taceam) valde arriserunt à Manno deductæ appellationes, propter gentis autorem & parentem. Quod ideo recitandum existimo, quia idem Noſtratibus usu venit. Quis non videt non solum propria virorum, verum etiam gentis & nationum à Manno derivata: Quippe Alemannus, Marcomannus, Hermannus, Culmannus, Wicmannus, & his similia, quæ etiam hodie Germanis familiaria sunt, à Manno deducta sunt. Nam propria tam illustrium progenitorum no-

Berosus
lib. 5.

Gomer
Göd-
mer.

Thogorma Thöger
 strorum nomina *Gomer* scilicet &
 Thogorma adhuc apud indigenas re-
 gni Daniæ in usu esse manifestum
 est. *Gomer* enim apud Scanos *Gædmer*
 dicitur, exigua mutatione vocalis O
 in Danicum ö, ac d litera addita. Si-
 militer Thogorma apud Jutos *Thöger*
 appellatur, per eandem mutationem
 vocalis O primum in ö, deinde in e,
 ablatâ quoque per apocopen ultimâ
 syllabâ.

Quid quod antiquitus aliquot
 præclari Reges Daniæ *Gorm* dicti
 sunt, quod nomen à *Thogorma* tam per
 aphæresin, quam per apocopen certo-
 certius derivatum est. Est præte-
 rea proprium aliud, *Tage* scilicet,
 quod etiam à *Tagumorma* deriva-
 tum est. Atqui frequens est in pro-
 priis nominibus præsertim hujusmo-
 di figurarum usus, non solum Roma-
 nis, verum etiam omnium aliarum
 nationum hominibus. Taceo nunc
 de Javan seu Jonam, quem Latini Ja-
 num nominaverunt, patrem & Græ-
 cæ & Latinæ gentis. *Graci sane*, ut re-
 fert Josephus l. I. ant. cap. II, nomina-
 pre-

(7)

*propter scripturae decorem & delectationē
legentium mutaverant. Neque enim pro-
vincia nostra est hujusmodi formis uti; sed
licet unum quidem schema & finis nomi-
num sit unus, ultimas tamen nominum
syllabas aliter illi declinant. Noe namq;
apud eos Nochus appellatur, & Abram
Abramus. Certe Josephus Hebræus,
qui hæc de Græcis & Berofus Chal-
dæus iisdem figuris nobiscum utun-
tur. Quem enim Moses Thogorma,
hunc Josephus Thigran, & Berofus
Tagumorma appellat. Quem Moses
& Josephus Gomer, hunc Berofus Go-
merum vocat. Quare nemo dubitet,
propria hæc nostratum nomina Gōd-
mer Gorm, Thöger & Tage à progenito-
rum nostrorum nominibus descen-
dere: Atque hinc sequitur, Cimbras
esse, qui hodie Daniam incolunt & Hol-
satiā. Certe Philippus Melanchthon
(cui antiquitatis indagatio maximo-
pere cordi erat) his suffragatur in E-
pistola ad Hermolaum Trolle ita scri-
bens: Significat autem & regni vetustas
& amplitudo excellentem virtutem in pra-
cipuis familiis illarum gentium fuisse.*


Nam Dai, Geta & Cimmerii inde usq; ex Asia progressi ad Cimbricā Chersonesum late regnarunt, non solum in littore Arctoo, sed etiam in aliis Europa partibus. Philippus sane de his verbis ad stipulatur Straboni, qui nomen Cimbrorum & Cimmeriorum idem esse, & à Gomero derivari affirmat lib. 7. Ptolomæus quoque testatur Cimbros in Chersoneso, quæ in mare Germanicum excurrit, habitasse. Audiamus præterea Diodorum Siculum; sic enim de Cimbris l. 5. scribit: Eorum, qui subitus Arcton habitant, fortitudine feritateque divulgata tradunt eos, qui priscis temporibus omnem ferme Asiam discurrentes, Cimmerii dicebantur, ipsos esse, qui paulo post corrupto nomine Cimbri sint appellati. Jam prisco more dant latrociniis operam, rapientes aliena, cæteris omnibus contemptis. Hi sunt, qui Roma capta, cum Delphici Apollinis templum spoliaissent, magnam Europæ partem, non parvam Asia tributariam fecere, agris eorum, quos subegerant, possessis. Excepto, quod Cimmerios corrupto nomine Cimbros suo tempore, hoc est, paulo ante Christum

Cim-
merii.
Cimbri.

stum natum, refert diversas quoque insuper vastationes Diodorus per *Cimmerios* sive *Cimbros* factas. Verum *Cimmeriorum* aut *Cimbrorum* irruptiones aut deprædationes suo loco altius expediam, quo longo interjecto tempore factas, annorum mundi seriem diligentius scrutanti apertissime constabat. Sed de origine latius.

Porro Volaterranus l. 7. Geographiæ scribit, *Cimbricam Chersonesum* eam esse regionem, quæ *Dania* appellatur. Quod autem longe antebellum Cimbricum progressi sunt *Cimbri* in Regnum, quod hodie *Dania* dicitur, dubium non est: Siquidem præter testimonia recitata etiam hoc ex Cornelio Tacito afferre visum est, quod in libro de Germaniæ situ recenset in hæc verba: *Eundem Germaniam sinum proximi Oceano Cimbri tenent, parva nunc civitas, sed gloria ingens, veterisque fama vestigia manent utraque ripa castra ac spacia, quorum ambitu nunc quoque metiaris molem manusq; gentis Et tam magni exitus fidem. Sexcentisimum*

*Et quadragesimum annum urbs nostra agebat, cum primum Cimbrorum audita sunt arma, Cæcilio Metello ac Papirio Carbone Coss. Certe Cimbro in maximam multitudinem coaluisse, priusquam contra Romanos quicquam acie tentare ausi sunt, quilibet videt. Sed de bello Cimbrico suo loco dicendum. Quin etiam vir ambrosia alendus Philippus Melanchthon (nam & hic tanti Viri testimonium coronidis vice adjiciam) in epistola libello Isagogico Doctoris Petri Palladii Episcopi Sælandiæ præfixa, in hæc verba progreditur: *Potens & celebrata gens fuit Cimmerici, quorum posteros esse Cimbro vestros nihil dubium est. Stirpem autem Græci ignorant, quam vocabuli sonus indicat esse Gomer filium Japhet. Certe si omnibus aliis testimoniis destitutus causâ cadere contingeret, hujus Viri autoritate fretus contra quosvis adversæ partis insultus in spem, me erigere, victoriæque potiri minime diffiderem; modo homines dentur, homines inquam, qui rationis ductum, non animi impetum sequuntur,**



ur, nisi pica cum lucinia certare præ-
sumperit, hoc est, nisi quilibet au-
daculus Philippo obstrepere tenta-
ret.

Neque vero audiendi sunt, qui *Cim-*
Cimbrorum appellationem ad *Jutos* so- Cim-
bria nō
pro so-
la Jutia,
sed pro
toto Da-
nia Re-
gno ab
Autori-
bus u-
surpa-
tur.
lummodo spectare autumant; cum
Cimbrica Chersonesi titulo totum *Dania*
regnum ab autoribus adornatum le-
gitur. Fridericus hujus appellatio-
nis primus mecum facit (nimirum
cum inter eum & ejus patruelem
Christiernum II. de regno Danico
disceptatio esset) in oratione, quam
habuit coram Rom. Imp. Carolo V.
sic inquit: *Cimbri, quos vulgo nunc*
Danos vocamus, cum Norvagicis (sicut a
multis annis cohasere hac imperia) fra-
trem Johannem Regem delegere natum,
majorem, quem & impetravere. Item
paulo post subjungit: *Petii aliquam*
Cimbrici regni partem junioribus Regum
filiis dari solitam. Et præterea de Chri-
stierno patruele addit: *Ipse iam Regno*
destitutus Hafniam Cimbrorum urbem ad
annum fere contra hos armavit. Hacte-
nus ille. Illud principio Lectorem
habe-

habere certum velim, non *Jutos* solummodo, sed *Cimbros*, id est, Danos omnes Johannem Regem elegisse. Deinde Fridericum aliquam *Cimbrici* regni, non *Jutia* partem petiisse. Latius ergo se extendit *Cimbricum* nomen, quam ad partem quandam Regni. Postremo neque ipse Fridericus nescivit, neque nos hodie ignoramus Hafniam, (quam *Cimbrorum* urbem appellat,) non in *Jutia*, sed *Sallandia* sitam. Constat igitur, *Cimbrorum* appellationem non magis ad *Jutos*, quam ad *Sallandos*, *Mæonios*, *Scanos*, *Hallandos*, *Blekingios*, *Lystrios*, *Fionenses*, *Lollandos*, *Falstrenses*, *Borringholmenses*, *Lavinianos*, *Errobovios*, *Tossingios*, *Samenses* sive *Samsovios*, *Anoldios*, aliosve Danicos homines spectare; sed æque horum uni atque alteri attribui. Neque ideo *Jutos*, qui provinciam Regni potissimam, utpote *Cimbricam Chersonesum*, inhabitant, suô titulô defraudando; verum hoc tantum exoratos velim, ne illi reliquos Regni Danici incolas suo consortio segregent, cum eruditissimus quisque mecum consentit.

sentit. Equidem Johannes Camers Scholiaſtes Dionyſii de ſitu orbis ſic ſcribit: *Ea autem Regio, qua modo Dacia dicitur, veteribus Cherſoneſus dicta eſt.* Per Daciam Daniam intelligit; nam Daciam aliam Wallachiam appellari dicit. Item Theodoricus Adameus in libr. Procopii 4. de ædificiis Juſtin. Imp. *Cherſoneſus Cimbrica Septentrionalis, qua Daniam habet.* Et Petrus Apianus in 2. part. Cosmogr. c. I. ſic ſcribit: *Rhenum autem accolentes ſunt baſſa & alta Germania populi, ab illis ad Sauromatas uſq; Germania magna promiſſa eſt, ad aquilonem Germanico Oceano magno limite pæne directo jungitur, niſi ubi Dania, quam hodie Daciam appellant, Cherſoneſum efficiens prominet.* Et paulo poſt in abaco Regionum: *Holfatiæ Ducatus in ingreſſu Cimbrica Cherſoneſi, modo Dacia aut Dania.* Item Dacia vel Dania Regnum Ptolomæo *Cimbrica Cherſoneſus.* Ad hæc qui inter doctos haud minimam laudem apud ſtudioſos conſecutus eſt Ambroſius Calepinus, vocabulum Cimbrorum hunc in modum exponit:

tempo- *tempore derivata sit, quam ad Danici*
 re belli *Regni indigenas, qui ex hoc regno egressi,*
 Cimbri- *cum hoc titulo quidam ex Germanis sepo-*
 ci sint *sito prorsus pudore suam patriam exorna-*
 appella- *re presumpserint?* Id quod vehemen-
 ti Cim-
 bri? ter negamus. Mansit enim apud Re-
 Neg. gni Cimbrici incolas nomen Cim-
 bricum manetque hodie, (Danes &
 Holfatos semper intelligo) & nemo
 est, opinor, cui non perspicuum sit,
 omnes fere classici autores, qui
 Cimbrorum meminere, Germanos
 a Cimbris distinxisse: quod utique
 non fecissent, si Cimbrorum appella-
 tio utrique genti communis fuisset.
 Claudianus certe in Carmine, quod
 de laudibus Honorii Imperatoris
 scripsit, hujus rei testis est locupletis-
 simus. Carmen sic habet:

Ante ducem nostrum flavam spar-
 sere Sicambri

Cæsariem, pavidoque orantes mur-
 mure Franci

Procubuere solo, juratur Hono-
 rius absens,

Imploratque tuum supplex Ale-
 mannia nomen.

Bastarnæ

Bastarnæ venere truces, venit ac-
cola sylvæ

Bructerus Hercyniæ, latisq; palu-
dibus exit

Cimbrus, & ingentes Albim liquê-
re Cherusci.

Baptista quoque Mantuanus in ex-
hortatione ad Potentatus Christi-
anos Cæsarem his verbis affatur :

Quod si belligeris metuis tibi de-
fore gentes,

Aspice quam validis Mavors tibi
militat armis.

Gens fera contemtrix animæ,
consueta per Alpes

Figere apros, certare ursis, nive
candida semper

Per juga veloces cursu præverte-
re cervos.

Helvetii tibi dura acuunt vena-
bula, & enses.

Jam Burgundus equum dorso ca-
taphractus in alto

Splendicat, ingentemque super fe-
mur erigit hastam.

Aspice ut Istermones rapido gens
proxima Rheno

Strenue in arma volent. Tradat
 moranulla Batavos
 Qui cinguntur aquis. Retinet mo-
 ra nulla Sicambros.
 Quid memorem Cattos ? quid
 Rhetia castra ? quid arma
 Norica ? Vindelicæ quid fortia pe-
 ctora gentis ?
 Quid Frisias Chaucasque domos ?
 & inertia arantes.
 Littora Cheruscos ? Nec vos gens
 ultima *Cimbri*
 Segnities damnat, latum vos fama
 per orbem
 Prædicat altanimos. *Vos explanare*
Latinam
Rem memorant ausos, bellog, incessere
Romam.
 Huc geminas attolle acies, am-
 plissima cerne
 Regna Svevorum, quæ Vistula
 claudit, & ingens
 Oceanus, Vada Danubii, confinia
 gentis,
 Tot complexa sinu immenso ex-
 currentia longo.
 Et quæ sequuntur de Herman-
 du-

cluris, Gutonibus, Eluconibus, Quadis, Snardonibus, Senponibus, Marcomannis, Bastarnis, aliisque gentibus, à quibus omnibus Cimbros sejungo. Sed Poëtis fortasse fides derogatur. Adducamus igitur C. Cæsarem, qui bell. Gall. l. 1. hoc tradit: *Cum Ariovistus Germanorum Rex in Sequanorum finibus consedisset, tertiamque partem agri Sequani, qui esset optimus totius Gallia, occupavisset, & nunc de altera parte tertia Sequanos decederet juberet: Paulatim Germanos conspescere Rhenum transire, & in Galliam magnam eorum multitudinem venire, populo Rom. ipse Caesar periculosum videbat, neque sibi homines feros ac barbaros obtemperaturos existimabat, quin quum omnem Galliam occupassent, ut ante Cimbri Teutoniq. fecissent, in provinciam exirent, atq. inde Italiam contenderent.*

Quare minime mirum cuique videri debeat, quod non patiar Cimbricum nomen Danis à quoquam præreptum iri. Ob eam etiam causam superius dixi civitatem hodie-

no die vocari *Cimbrorum portum*,
appellatio patriam refert lingv
Danice enim dicitur *Cimbrers*
nam Cimbri nostro idiomate *Cin*
nominati sunt. Quæ certe nomen
tio omnibus singularum partiu
provinciarum regni habitator
communis erat. Verum Infuli
liquisq; regni partibus singulis
pria attributa erat appellatio. (

Sællan- enim *Sællandia* hoc tempore dici
dia vo- tunc *Middelslet*, quod mediam pl
cabatur tiem sonat, primores appellat
olim Et quam nos hodie *Jutiam*, illis
Med- *delslet*, id est ampla planities d
delslet, est. *Scanica* quoque *Skoneslet*: *F*
Jutia, vero *Fineslet* majoribus appel
olim quarum nomina fere idem sig
Wides- let. Sca- car; nam prior à pulchritudine,
nia sterior ab amœnitate nomen son
olim est. De reliquarum insularum
Skone- provinciarum regni Cimbrici no
flet. Fio- nibus recensendis hoc loco non
nia o- anxius.

lim Fi- Sed quando Cimbricum bell
neslet. incepit, dicendum. Saxo Gra
maticus scribit l. 4. hist. Dan. 7

*Tempore Dan III. Regis Dania 28vi Danorum
 juvenutem Albyam fluvium tanta navi-
 giorum frequentia complexisse, ut facile
 ejus transitum perinde ac continuo ponte
 juncta puppium tabulata prastarent.
 Hæc ille. In pervetusto codice in
 Gothia sive Gothlandia à me inter a.
 lia monumenta invento in hæc ver-
 ba exaratum inveni: Danorum sive
 Cimbrorum Rex Dan III. adhuc adolescens
 exercitum numerosum traduxit è regno
 Cimbrorum in Saxoniam, Germaniam, Gal-
 liam, & Italiam. Debellata Saxonia rediit
 Rex ipse in Regnum, exercitum dans duci-
 bus. Sed à Romanis, postquam nullus modus
 fuit cadibus, ultima internecione omnes
 ad unum deleti sunt. Ex his verbis col-
 ligo expeditionem, quam Saxo de-
 scribit, esse initium Cimbrici belli;
 nam tempus convenit cum iis, quæ
 Cæsar belli Gall. l. 1. in concilio nar-
 rat his verbis: Factum ejus hostis pe-
 riculum patrum nostrorum memoria cum
 Cimbris & Theutonis à C. Mario pulsus,
 non minorem laudem exercitus, quam ipse
 Imperator meritus esse videbatur. Et
 libro 2. Cum à Rhenis Casar quæreretur,*

qua civitates quantaq; in armis essent, & quid in bello possent, sic reperiebat; plerosq; Belgas esse ortos à Germanis, Rhenumq; antiquitus traductos propter loci fertilitatem ibi consedisse, Gallosq;, qui ea loca incolerent, expulisse, solosq; esse, qui patrum nostrorum memoria, omni Gallia vexata, Theutones Cimbrosq; intra fines suos ingredi prohibuissent. Item eod. lib. de Aduaricis dicit: Ipsi erant ex Cimbris Teutonicisq; procreati, qui cum iter in provinciam nostram atq; Italiam facerent, his impedimentis, quae secum agere ac portare non poterant, citra flumen Rhenum depositis custodia ex suis ac praesidio sex millia hominum una reliquerunt. Hi post eorum obitum multos annos à finitimis exagitati, cum alias bellum inferrent, alias illatum defenderent, consensu eorum omnium pace facta, hunc sibi domicilio locum delegerunt. Ex his manifesto liquet, Cimbros alios populos esse à Gallis, Teutonicis & Germanis, etiam si nunc foederibus factis illis commixti, nunc bello laceffiti, varia fortuna aut victi, aut victores exstiterint. Certe Critognatus Arvernus
in

in Oratione, quam habuit coram obsessis Alexiæ (uti idem Cæsar lib. 7. bell. Gall. tradit) indicat Gallos eodem tempore graviter ab exercitu Cæsaris afflictos, verum multo ante majores illorum à *Cimbris* obsessos. Inquit enim Critognatus: *Quid ergo? mei consilii est facere, quod nostri majores nequaquam pari bello Cimbrorum Teutonumq. fecerunt, qui in oppida compulsi, ac simili inopia subacti, eorum corporibus, qui atate inutiles ad bellum videbantur, vitam toleraverunt, neq. se hostibus traderunt, cujus rei exemplum si non haberemus, tamen libertatis causa institui, & posteris prodi pulcherrimum iudicarem. Nam quid illi simile bello fuit? depopulata Gallia, magnaq. illata calamitate, Cimbri finibus nostris aliquando excesserunt, atq. alias terras petierunt.*

Hinc liquido compertum esse reor, *Cimbros* postquam aliquot annos primum in Germania Teutonis confederati, deinde in Galliis consediscent, ad alias terras occupandas emigrasse, quod etiam Gothicum monumentum aliique Scriptores te-

stantur. Nam paulo post Galliam reliquerunt, Carbonem Coss. cum exercitu fuderunt, ac Illyrico potiti sunt. Hæc facta sunt circa annum Mundi 3853. Anno vero Urbis Romanæ 640, ut autor est Cornelius Tacitus; hoc est, anno 110 ante natum Christum. Porro testatur Justinus lib. 38. Mithridatem Regem Ponti eodem tempore auxiliũ à *Cimbris* implorasse. Sed quis hoc Rege potentior? quis foederibus factis fraudulentior? quis erga propinquos & sanguine conjunctos immenior? quis denique in gerendis bellis solertior? Hic cum Romanum meditaretur bellum, quod cum Romanis 46. annos varia victoria gessit, hic inquam, cujus magnitudo fuit, ut non sui tantum temporis, verum etiam superioris ætatis omnes reges superaverit, ut Justinus tradit, *intelligens quantum bellum suscigaret, Legatos ad Cimbris auxilium petatum misit; nam hos, quemadmodum & multas alias gentes, variis beneficiorum muneribus ante illexe.*

rat.

rat. Si igitur Cimbrorum, qui tunc adversus Romanos exercuerant, societatem maxime necessariam judicabat Mithridates, quid obstat, quod cum *Cimbris* fœdera Germani & Galli firmaverint. Quare nec pœnitet me superius dixisse, societatem cum *Cimbris* iniisse Germanos, Gallosque, cum vel tantæ potentiae extiterint Cimbri, ut maximis regibus sæpe terrorem incuterent.

Objiciat aliquis, Saxonem Danorum Historiographum nullibi in toto opere vel minimam *Cimbrorum* mentionem fecisse, ac propterea *Cimbros* non esse *Danos*. Huic hoc responso satisfactum velim. Saxonem gentis Daniæ historiam non à stirpe Gomeri, sive (ut Berofus eum nominat) Comerio exorsum, sed à *Dan* primo Danorum Rege, idemque ab ejus nomine omnes Regni insulas & provincias, quas circumfusus ambit oceanus, *Daniam* appellasse. Nec vero ex parte aliqua regni tam numerosus Cimbrorum exercitus prodiit, sed è toto regno conflatus in

vicinam Germaniam per Albim
 haud secus ac multi rivi è nimbo col-
 lecti per alveum rapidi alicujus flu-
 minis in pelagus, ita Cimbri in Itali-
 am per Germaniam & Galliam ex
 amplissimo Danorum Regno inun-
 dabant. Neque pernego alias etiam
 gentes huic bello interfuisse, utpote
 Teutones, & Tigurinos Germano-
 rum, & Ambrones Gallorum popu-
 los, uti scriptis gravissimi autores
 testantur, quorum lucubrationese-
 volvere iis volupe erit, qui Cimbri-
 cum bellum, quod à Mario confe-
 ctum est, exactius cognoscere avert.
 Cum mei propositi tantum est de o-
 rigine gentis enucleanda deque no-
 vis coloniis ab hac exortis, inter quas
 etiam reperio Sicambrorum, ex qui-
 bus postea Franci, quamvis multi
 de harum gentium origine fabulis
 contra ipsissimam rationem digladi-
 ari non verentur. Inter quos ante-
 signanus & Coryphæus conspicitur
Hunibaldus, cujus castra secuti *Grego-
 rius Turonensis Episcopus* & *Rhegino*, cum
Sigeberto Gallo, Abbas quoque *Ursper-
 gensis*,

Sicam-
 bri a
 Cimbris
 Phil. Me-
 lanch.
 Chron.
 lib. 1. & 3.
 Franci à
 Sicam-
 bris.

gensis, quos omnes unico ictu confodit Hermannus à Nuenare sive Nuenarii Comes de origine & sedibus priscorum Francorum in hæc verba scribens: Qui aliis meliores videri volunt, hoc potissimum student, ut cum aliis nihil habeant commune. Hinc etiam Saxones, qui semper inter Germanos præcipuum locum habuerunt, origine se Macedonas gloriabantur, hac in re non minus ridiculi, quam Franci; eamque ob causam res strenue gestas nequaquam communi vocabulo Germania tribuebant. Et Philippus Melanchthon Chronicorum l. 3, dicit: Juste reprehenduntur inepti scriptores, qui fabulas ex sese finxerunt de filiis Hectoris, quas omitto, & ex Troja Francos educunt. Qui igitur Sicambros à Cimbris dictos fastidit, & Francos à Sicambris originem traxisse vilipendunt, licitum erit illis vel ad Cambram Britonum Regis filiam Sicambrorum originem, vel ad fabulosam Trojanorum prosapiam Francorum ortum referre, modò Cimbras à Gomero sive Comero descendisse ac eundem populum è regno Daniæ, quæ Chersonesus Cimbrica

Com-
tum à
Cym-
bern
in Sve-
via in-
signia
eodem
cum Re-
gibus
Daniz.
Reli-
quie
Cimbri-
um in
Svevia.

brica appellatur, egressum, Germanis primitus & Gallis confœderatum, postea vero a C. Mario, ut dixi, profligatum concesserit. Reliquias *Cimbrorum* quasdam superesse in *Svevia* recenset *Wulfgangus Lazius* l. 8. de migrat. gentium. Sic quippe scribit: *Genealogia Dominorum & Comitum à Cymbera, à Cymbrorum reliquiis ex Dania in Martianam sive Hercyniam Sylvam profectis, qui eadem cum Dania Regibus insignia retinent. A Cimbris parro in Nigra sylva pleraq, supersunt loca denominata, VValdzymerm Herrenzymern, Anciazymern, Rotenzymerm, Hailigenzymern, Marschalchszymern. Cujus familia Cunradus abbatem egit divitis Augia, alter pene fundator Sesslingensis cœnobii propellmam. Anno vixit 1255.* Hæc *Lazius*. Quæ ideo adjeci, quia iis, quæ a me dicta sunt, non solum non repugnant, verum maxime omnium consentiunt.

Cimbri igitur, quemadmodum supra demonstratum est, *Daniam* inhabitantes *Comerum* cum *Thogorma* progenitores habuere. Primitus autem his non præfuit Rex, sed Cher-
sone-

sonesus Cimbrica quosdam habuit viros excellentiori fastigio præ cæteris constitutos; hi usque ad Regum tempora per se, quæ videbantur, administrabant: quorum quippe consortio junctus *Gomerus 2dus* Gomerus 2dus A. Mundi 1850. tempore Serug. *Thogorma filius*, quem longa senectus consumpsit, siquidem ultra centum annos supervixit, ac prolixa ætate defessus summa cum animi alacritate decessit. Hunc secutus filius *Segub* Segub Ao. M. 1960. Anno M. 1960, qui obiit Anno M. 2020, duobus filiis relictis, è quibus major natu *Afer*, fratre *Ostrido* adhuc viginti annis minore, patris locum supplet. Qui cum eximia aucto-ritatis, præcipuæque magnitudinis esset, nec non coævus potentia & divitiis præstaret, filium *Trudum* ad summum judicarii ordinis apicem evexit. Ea tempestate *Trudus* præcepit populo agriculturam sedulo exerce-
re, etiamsi segetis usus non erat incolis omnino alienus; tamen quo majori sedulitate & quasi certatim quisque in communem Reipubl. utilitatem incumberet, legem agrari-
am

Gomerus 2dus
A. Mundi 1850.
tempore
Serug.

Segub
Ao. M.
1960.

Afer A.
M. 2020
tempore
Abrahami.

Trudus
Ao. M.
2085.

Leges a-
grariæ.

Brenno in Græciam profecti etiam A
pollinis templum spoliare præsum
rent, Ptolomæum quoque Cera
num trucidarent. Quorum pars
Ptolomæo Evergeta deleta circi
annum Mundi 3720 Major ver
pars in Asiam irrupit, eam long
tempore lateque depopulata. Hir
Diodorus scribit, Cimbros magnam
Europæ partem, non parvam Asi
tributariam fecisse. Hactenus, qu
Cimbri adjuncti Gallis gesserunt.

PRÆFATIO LIBRI SECUNDI.

SEntio aliquoties permoveri possi
Squod superius dixi, gentem Da
nicam varias denominationes ob
tinere, Cimbrorum Gothorumque
nomen æque Danis competere.
Quare multo maxime necessariur
dixi, historiam aggredi; quam ordi
ne suo persequi, tunc demum propo
sui, cum commune fecero, quæ res
ad faciendam fidem pertinere possi
Siquidem multa hac in re dicend
veniunt, quæ non ex historiogra
phi

solummodo erui possunt; ve-
 a aliunde mecum huc afferam,
 e ipse in *Gothia* antiquissima Go-
 rum sede (hodie *Gotthlandia* dicta)
 rem fere annos degens partim fi-
 lignissimis hominibus acceptum
 ro, partim ex vetustissimis Go-
 e monumentis eruta addidici.
 otiesquisque enim est, qui monu-
 itis fidem non adhibet? cum se-
 dum Florentinum Jureconsul-
 l, *monumentum est res memoria cam-*
posterum prodita. Nec verò de-
 t Gothis monumentorum hujus-
 di Species, utpote tituli, sepul-
 a, statuæ, fana, ædificia, historia,
 eraque, quæ cum omni vetustate
 tendere possunt. Quicunq; igi-
 cum antiquarum rerum monu-
 itis, tum approbatis scriptoribus
 m adhibere noluerint, ipsi sibi
 ant vel falsam Geographiam, vel
 itis Gothicæ historiam veritatis
 nam, qualem texit in famoso suo
 re *Johannes Upsalensis* contra pro-
 rum Historiographorum fidem.
 vero quæ vel ex fide dignis audi-

vi, vel ex antiquissimis monumentis eruere potui, vel denique ex approbatorum scriptorum lucubrationibus hausi, in medium afferam.

Inter alia monumenta, quæ in Gothia visuntur, exstat fragmentum Chronicorum Gothica & Germanica lingua conscriptum. Ejus inquam fragmenti aliquot exemplaria membranea adhuc apud Judices in Gothia reservantur, neque extraneo facile inspiciendi copia conceditur; nam eodem codice etiam conscriptæ sunt Leges vetustissimæ, secundum quas etiam hodie bona hæreditaria inter Gothos ipsos dividuntur. Tanto igitur arctior apud illos horum librorum custodia, quanto antiquitatis & legum cognitio ipsis incolis esse possit honori atque usui. At ubi primum in Gothiam veni Anno Christi 1547. præfuit Insulæ Hilarius Hardenberg piæ memoriæ, qui postea in Regno Daniæ Magister aulæ factus est; hic, inquam, sæpius, ut erat antiquitatum Danicarum indagator acerrimus, cum Judi-

dicibus, me præfente, de rebus Gothi-
cis permulta verba fecit. Ex sermo-
nibus itaque, qui sunt habiti, perce-
pi scriptum aliquod extare, ex quo
gentis origo cognosci possit; sed à
iudicibus nihil impetrare potui, et-
iam si persæpissime rogando, efflagi-
tando obsecrandoque illis molestus
eram.

Tandem scriba arcis Vistbor-
genfis intelligens me antiquarum re-
rum avidum, tentabo, inquit, si qua
via per me voti compos efficiare.
Sunt enim hic in arce congesti ali-
quot libri, quos si evolvere velis, tibi
illorum faciam copiam. Intromis-
sus igitur offendi aliquot plaustra
codicum, squalore, situ, & pulvere
obditorum, ex quibus nonnulla col-
legi, quæ magis animum ad perfe-
ctiora inquirenda irritarunt, quam
tranquillum reddidere. Nam isti,
qui hæc exaraverunt, literas pri-
mis degustarunt labris. Nec vero
ideo à proposito destiti, verum
eò magis omnes vias perquisivi.
Quid multa? Conveni Virum

non minus sapientia quam canitie
gravem Dominum *Johannem Bonfach*;
egit hic quondam Abbatem in mona-
nasterio, quod Roma dicebatur, de-
solatione autem Cœnobii factâ, Pa-
rœciæ Bircke ad finem vitæ ma-
gna cum laude præfuit. Ab hoc, in-
quam viro, Historia Gothica non so-
lum mihi per manus tradita, verum
etiam mihi Gothicæ linguæ idioma-
te exarata concessa est. Postquam
hæc Dominus Hilarius Hardenberg
rescivit, librum postulat, atque eo
perlecto mihi tradidit his verbis:
Bonum esset, si hoc opusculum in lu-
cem daretur. Adfuit eodem tem-
pore Judicum supremus, Petrus Kir-
ckebing nomine, qui Præsidem in-
terpellens ait: Prætorem aliquan-
do habuimus, qui annales & Le-
ges nostras convasavit, hoc præ-
textu, quasi prælo eas excudi pro-
curaret; verum cum nullas apud
incolas esse reliquas opinabatur,
quicquid librorum nactus est, Vul-
cano consecravit, sed gratia, Deo,
frustratus est sua opinione. Tum
ego

ego ipsi Judici supplex fio, ut mihi concrederet, si quid rerum Gothicarum apud se reservatum haberet, quod dignum judicaret, in apertum proferre; quod & fecit. Collatis igitur his, quæ ab hoc Viro accepi, cum iis, quæ in arce collegi ad historiam, quam Dr. Johannes Bonsach mihi tradidit aliorumque monumentorum autoritate fultus, primò unde Gothi originem traxerint, Deinde posteritatem & colonias in alias & exteras nationes emissas delibabo. Postremo approbatos scriptores, qui hisce assentiuntur, in medium afferam.

DE GOTHIS.

Guthi autem Ostridi filius, ut accepi, in orientali Cimbrici regni parte principatum adeptus, cum nominis sui famam ad posteros pervenire exoptaret, quos subiectos habuit populos, *Guthos* appellavit. Atque hinc factum est, ut terra, quæ hodierno die *Scania*, primitus ve-

Guthi.

Nomen
Guthorum à
Guthi
Scaniae
ro duce.

Gotho-
rum pri-
ma sedes
in Sca-
nia.
Gödin-
ge Her-
re.
Colonia
Pr. Go-
thorum
in Go-
thia Oc-
cidentalī
ex Scania
missa.

Guthi
florebit
An. M.
2200.
tempore
Jacobi
Patriar-
chæ.

ro Skotte Stätt appellabatur, jam
Guthia dicta sit, quam appellationem
adhuc præfectura illa Scaniae Sveciæ
contermina retinet. Tandem cum
terminos dominationis latius exten-
dere optabat, orientem versus co-
lonias novas posuisse fertur, ubi nunc
sunt præfecturæ Regno Svetico sub-
jacentes, quæ propagatoris nomen
similiter referunt. *Guthia* scil. *Occi-*
dentalis. *Daniae* vicinior, & *Orien-*
talis Sveciæ contermina. Ditiones
hasce uno & communi nomine à
Saxone Grammatico *Gothiam* ap-
pellari certum est. Quantum ve-
ro ex annalibus Gothicis assequi po-
tui, florebat *Guthi* circiter annum
mundi 2200. tempore Belochi Re-
gis Babyloniorum decimi, paulo
antea quam Vandalus apud Tui-
scones regnabat. Et secundum sa-
cræ historiæ supputationem Anno
tricesimo, antequam Jacob in Ægy-
ptum descendebat. Hinc liquet,
Guthorum appellationem proxime
post Cimbrorum nomen in hoc e-
odem regno *Daniae* & ejus confini-
bus

bus incolis inditam esse; ut qui ante *Cimbri* à *Gomere* paulatim & quasi pedetentim *Guthi* ab eorum Judice & Principe *Guthi* dicti sunt. Certe, *Witichindus Saxo* hæc cognita habuit, cum lib. I. in hæc verba progreditur: *Gothi de Insula nomine Scandia egressi sunt; à proprio autem duce Gotho, Gothi appellati sunt.* Non possum igitur, quin admirer stultitiam *Johannis Gothi Upsalensis*, qui *Gothos* & *Scythas* unam eandemque esse gentem, atque à *Magogo* progeneratam excogitaverit, atq; adeo veluti aranea ex se finxerit, cum à *Gomero* non minus *Guthi*, qui nunc *Gothi*, quam *Cimbri*, originem habuerint. Certe *Gomerus Cimbris, Guthi* vero octavus post *Gomerum, Guthis* nomen attribuit. Verum, *Upsalensis ineptiæ* à *Petro Parvo* satis superque refutatæ sunt; has igitur missas faciamus, alia non minus utilia, quam jucunda dicturi historiam ipsam latius recensendo.

Thielvarus II. Guthi filiuspatre
 haud minor, inter priscos Guthorum
 Duces non infimæ laudis locum ade-
 ptus, est, siquidem Gothis tam occi-
 dentalibus & orientalibus, qui hodie
 Regno Suecico subjacent, quàm in
 Scania habitantibus imperitans ad-
 huc majora aggredi volutabat. Hic
 itaque novum quærendæ gloriæ ge-
 nus complexus, utque patrem ardor
 animi ad dilatandum nomen cum
 imperio, ita filium novas ut investi-
 gares regiones & insulas stimulat
 aviditas. Lectis igitur sociis non
 parvo numero, magnisque præpa-
 ratis comméatibus, nec non armis
 sumptis, naves ædificat, juramento
 prius firmato, sese posthac in patri-
 am nunquam reverfurum, sed regi-
 ones omnes, quæ ad Cimbricum ma-
 re sitæ erant, insulasque cum penin-
 sulis pervestigaturum, donec ex om-
 nibus unam aliquam conspiceret,
 quam sibi suisque habitandam elige-
 ret. Neque tunc mare Cimbricum
 aut ejus Insulæ plene investigatæ e-
 rant. Socios itaque comitesque in
 hanc

hanc rem conceptis jurare verbis ad-
egit, (nec vero erat quisquam omni-
um qui jurare dubitaverit) adductis
quoque in medium honestissimis ra-
tionibus, quibus singulis persuasis,
inglorium domi ad focum delitescere, tan-
quam lepores in virgultis, virtutisq; con-
trarium; illos vero, qui exteras visitant
gentes & nationes, non solum prudentiores
redire, verum etiam maximā solertia lau-
dem reportare solitos illud effeminatis &
timidis, hoc verā magnificis & fortibus tri-
bui consuetum. Hortatur præterea majo-
rum imitentur exempla, qui per varios ca-
sus, pericula, difficultates, per tot deniq;
discrimina rerum in hanc terram perve-
nerunt. Hac sua prudentissima oratio-
ne juventutem in spem erigit, atque
in societatem pertraxit. Quæ qui-
dem persuasio ad negotium confi-
ciendum maxime fuit opportuna.
Nam singuli diem dicunt, quā in ino-
bedientes & tergiversatores severē
animadvertendum, eodemque mo-
mento ad navigia convolandum.
Omnibus igitur rebus ad profectio-
nem paratis, bene magna ad Cim-

Commodum levi spirante aurâ, insulam in conspectu esse clamat prœteta, ad quam recto cursu naves dirigere gubernatoribus Dux mandat. Nec mora, quæ jussi sunt, peragunt, classeque in portum diducunt & tentoriis in sicco collocatis innumeræ accenduntur pyræ. Omnes ovantes ac gratulantes quid non laudis erga Thielvarum profundunt? Profecto hujus Viri industria se excitatos prædicant, ad quodvis periculum, quantumvis arduum, subeundum.

Secunda
sedes
Gothorum
in Gothlandia.

Fabula
de Gothlandia.

Hoc in loco diluendam judico opinionem, quam incolæ *Gothlandia* imbibitam etiam hodie retinent, atque adeo defendere verum frustra nituntur. Ajunt autem hunc in modum. Hanc Insulam diurno tempore comparuisse, & super aquas extitisse, nocturno vero disparuisse, ac submergendo sese in pelago occultasse; at postquam Thielvarus ignem in hanc importavit, ex eo semper stabilitatem acquisivit. Hoc quæso cui sit verisimile? Quomodo potuit terra

&

& rupes sese movere, ac nunc ascendere, nunc rursus descendere? aut quâ vi potuit ignis hanc vicissitudinem mutare? Qua denique ratione cuiquam hæc persuaderi possunt? Non igitur alternatim mobilis erat Insula; sed aut repente, quemadmodum Vulcani Insula, quæ ante non fuerat, in mari edita est, Orofio teste. & in mari Ægeio inter Theram & Theraliam insulas exorta est insula 30. stadiorum longitudine, ut tradunt Eusebius & Eutropius, aut superstitiosè à quibusdam excogitatum, quo igni numen inesse simplici popello, qui hunc tanquam Deum colebant, persuaderent. Nunc hoc omittam.

Ut autem in littore stans Lunam à conjunctione primâ splendentem Thielvarus aspicit, extulit manus, atque sic orsus: *O Socii, Luna litemus victimas; cernimus enim nunc, cujus opem & presentiam usq; peregrinando experti sumus.* Confestim taurus immolatur. Proferuntur quoque Uri cornua bina ab labris auro circumclusa, qui-

quibus poculorum vice utebatur. Cornua hæc, inquam, mero repleta ductor ipse stans manibus sumsit, simulatoque propinandi officio Dianam veneratus; tum sibi, tum familiæ bona, sociisque & civibus opum incrementa ac victorias solenni verborum recitatione poscebat; qua finita, pauxillulum meri inclinato utroque poculo in terram effudit. Tum vero filius patrem imitabatur, cæterisque consequenter & ordine optimatum omnes, donec ad exemplum Principis Lunam venerati, & computatione facta, pоторia pincernæ restituta sunt, opiparum in multam noctem extenditur convivium toti comitatui. Hoc peracto, sopore corpora quieti dedere. *Hafderus* paulo ante honestissimam virginem matrimonio complexus, eandemq; vicinam partui comitem itineris habuit, quam ob frontis serenitatem, qua præ aliis matronis prædita erat, *Hvithe Stiernam* suo idiomate Guthi ipsi appellarunt. Cujus etiam insignem candore

dore faciem tantus capillamenti decos asperferat, ut aureo crine nitere putaretur. Tanta siquidem faciei capillamenti que venustas erat, ut quamvis auro, veste, gemmis, omnique cætero mundo exornata fuit, ne comparanda quidem erant. Ut ergo Noctis gallicinium appetit, somnio rei futuræ eventus manifeste deprehenditur. Nam per quietem Hvithestierna videre videtur Insulam variis arboribus & herbis, iisque redolentibus consitam, ad cujus juga, quæ montes amplissimæ vastitatis efficiebant, scandere nitebatur, nec non serpentes tres simul implicitos ex alvo suo prodire, sed & radios quasi solares e gremio micantes fulgere.

Et hoc quidem visum dormientis sceminæ non animis modo, sed prope oculis observabatur. Cum igitur exporrecta esset, quid non aut cogitare aut timere matrona debuit? Statim ubi Sol terris redditus dormientes lectis excussisset, de omnibus ad maritum retulit. Hic à fatidico inter-

pretationem inquit. Is cum mulieris animum rei stupore oppletum cerneret; Frustra, inquit, O Hvi-theſtierna, infomnium te territat: nam oraculo editum eſt, occultumque divinitatis, & quo nullum reperiri poſſit optabilius. Haud incaſum heri veſperi res divinæ factæ, Lunæque perlitatæ ſunt: Nova ſiquidem Luna novas monſtrat ſedes. Inſula, quæ in ſomno apparuit, hæc eſt, in cujus littore pernoctavimus; quæ etſi minus ampla, habitationivè apta hodie conſpicitur, impoſterum tamen magis ac magis habitabilis erit. Mons, ad cujus verticem aſcendere ſuſpicata es, eminentiam domini denotat. Per arborem & herbarum varias ſpecies, fertilitatem & omnium rerum copiam intelligo. Illæ ſiquidem non modo igni fomentum, verum etiam ædificiis & navibus fabricandis materiam præſtabunt. Hæ vero cùm pecudibus pabulum, tum hominibus alimentum & quidem largiſſime ſuppeditabunt. Adde quod odorum ſuavitate ſtari
ari

ari visa es, neq; hoc absque interpretatione prætereundum. Ufus enim, qui ad externos e bonis hujus insulæ manabit, odoriferis sylvis & herbis notatur: Ut enim omnium odoramentorum, atque adeo herbarum fragrantia non solum tractantis nares opplet, verum ad adstantem & prætereuntem sese non sine voluptate diffundit; ita uniuscujusque regionis commoditas, si ad aliarum nationum habitatores extenditur, voluptuosa & apprime utilis res est. Porro vero anguina, quæ in somno observata est species, non est silentio prætermittenda. Tres siquidem filios, qui e vobis nascentur, numerus denotat serpentum, atque ex horum complexu inseparabili concordiam, qua sese mutuo foetu amplectentur, indicari cum summa animi voluptate video. Prudentia quoque à natura serpentibus inest singularis; quum enim se exosos sentiant, circumspicte declinant ac refugiunt, quicquid sibi adversum est. Ita filios vestros

D

pro-

providos, nec non sollicitos for-
 periculis adeundis, nequeo satis
 rari neque conficere. De radi-
 splendore gremium tuum orna-
 bus, quid aliud dicam, quam q-
 his heroica virtus & fortitudo p-
 tenditur. His à Vate assertis,
 trem Thielvarum Hafderus
 greditur, eique rem omnem tan-
 uxoris somnio, quam de interpr-
 tione exponit; parenti quoque
 supplex, quo hic peregrination-
 nem & periculofissimæ tædioque
 fertissimæ navigationi metam c-
 siliuat. Hac filii oratione Thie-
 rus adductus, nec non in form-
 Huithestiarnæ permotus, fidem
 mul ac iusjurandum dat, sese in
 insula sedem omnium rerum & f-
 tunarum suarum collocaturu-
 Jamque convocatis navarchis c-
 riter singulos certiores facit, hic
 termittant navigationem ac t-
 tummodo naves exonerent, sex
 ex labore reficiant. Quod iussi su-
 faciunt. Ita commutata fortun-
 eos, qui patriam opulentam &

atissimam fastidiebant; Insula de-
ta & terra rudis excepit. Neque
ro erat quisquam omnium, qui
t in patria repetenda, aut in sedi-
s amplioribus quærendis occupa-
m animum haberet, quin preci-
s & votis prosperos successus mo-
patrio exposceret. Insulam præ-
ea *Guthlandiam*, id est, terram seu
gionem *Guthorum* appellitat.

Locus est fere insulæ illius a-
enissimus, quæ *Venga* appellatur,
od nomen à similitudine pulvini,
epit. Nam hoc in loco saxum con-
citur, quod veluti pulvini, in quo
lemus, similitudinem habes: Dici-
r enim linguâ Gothicâ *Venga* pul-
nus. Hujus saxi superficies plana,
on solum excedit pulvilli latitudi-
m, verum etiam lineis multis, iis-
te eminentibus ac transversariis à
tura exornata est. Cui loco ap-
opinquaret *Thietvarus* lapidem,
ntemplatus & saxi figurâ motus,
ium comitesque suspiciens, audi-
entibus omnibus, qui officii causa
cumstabant, de communi re di-

Thielviri cere cœpit. Unde rectius, inquit,
Oratio. "ordiri possumus, quàm à communi
"parente natura ? quicquid genuit,
"sua diligentîâ conservatum esse vo-
"luit. Quis nescit sedes in hac Insu-
"la præparatas, cum pulvinar nobis
"natura subministravit ? Movent a-
"nimum meum, quæ in hoc lapide
"figurantur sedilium pulvinaria, at-
"que adeo de regno hic confirman-
"do commonefaciunt, æq; atque in-
"somnia, quod præterita nocte,
"nurus vidit. Quæ mulier maxi-
"me omnium digna, quamobrem
"à te Hafdere quam officiosissime
"colatur. Dii faciant, ut hæc, quæ
"vidit, omnia perficiantur. Ego
"quamvis multâ senectute conse-
"ctus, atque adeo vobis omnibus
"morti vicinior, longa tamen expe-
"rientia edoctus. Video, quæ po-
"steritati profutura sint. De his ita-
"que quo pacto hæc manus exigua
"augeri possit, vos monitos velim;
"Dehinc quâ ratione, si bello mota
"fuerit, insuperabilis queat per-
"sistere; Postremo summa ne-
ces.

cessitate compulsi, a quibus copias
 auxiliares petere commodissimum
 erit. Ante omnia igitur pacem
 colite, neque unquam levi causa
 finitimas gentes injuriâ afficere aut
 bello laceßere præsumatis. Qui-
 cunque enim aliquo modo laces-
 sus & irritatus fuerit, assidue ulti-
 onem animo volutat, atque hinc
 adeo manat, quod homines infidi-
 as & bella atrocissima sæpius moli-
 untur. Illi vero, quibus cum o-
 mnibus pacifice vitam agere cordi
 est, vicissim omnium erga se bene-
 volentiam experiuntur. Nihil huic
 genti æq; conducibile video, quam
 dum hoc unum studet, quo pacis
 munere & beneficio adaugeri pos-
 sit. Cum autem res Gothica adeo
 fuerit valida, ut cujuslibet finiti-
 marum gentium aut etiam nati-
 onum bello par esse queat, neque
 etiam tum pax infringenda erit.
 Quod si aliqua cæterarum natio-
 num infesta signa contra vos leva-
 verit, nihilominus pro se quisque
 quam diligentissime curet, Marti

ꝑ cem prætere. Hac in re f
 ꝑera luditur, concordiam, qua ar
 dentissimo amoris incendio invi
 cem diligi possitis, amplectimini
 Hac siquidem progenitores nostr
 tot tamq; vasta regna permearunt
 donec Cimbricum Regnum certi
 loco stabilitum est. Hac quoque
 Guthorum nomen indelebile, &
 regnum invictum permanebit. Di
 scordia enim, ut omnia destruit
 ita nihil exædificat; Concordia
 vero, si colitur, quæ non nutrit, fo
 vet, adauget, conservat? Et ut u
 no verbo dicam: Omnia quan
 tumvis parva & humilia primordi
 habuerint, incredibile memorati
 est, quam facile per concordiae vin
 culum in summæ dignitatis fastigi
 evadant. Restat id solum, quo
 ultimo loco me commonefactu
 rum pollicebar. Si verum extri
 ma necessitudine coacti armis u
 tendum statuitis, non à quavis gen
 te auxilium contra hostes implo
 randum est, sed à consanguineis ve
 stris, utpote Guthis & Cimbris
 qu

“qui inter” asperos casus adscen-
 scendi sunt. Optima namque est
 “necessariorum opera opis indigo.
 “Inter conjuratos sæpius inventa est
 “fallacia & defectio; sanguinis au-
 tem vinculum tenacius hæret. Hac
 oratione habitâ, mirum in modum,
 omnium animis summa alacritas in-
 nata est. Jamque inter se Insulam
 partiri, ædificia extruere, agros co-
 lere incipiebant. Secundo post hæc
 mense *Huitemsterna* *Hafderi* conjux
 conceptos ex eo mares tergeminos
 enixa proditur; primogenito namq;
Guthi nomen inditur, secundus *Grip-*
pa nominatur, postremus *Gunfinus* vo-
 citatus est. Fratres igitur trigemi-
 ni Anno mundi 2265. nati sunt; ve-
 rum ubi adultam ætatem consecu-
 ti sunt, patriam in æquas portiones
 tres dividebant, hoc pacto. Pars ad
 Septentrionem vergens *Grippa* cessit;
 Quæ vero versus Austrum perrecta
 erat, *Gunfino* obtigit; At inter utram-
 que mediam *Guthi* possedit. Tam ju-
 stæ divisiones æquabilitatem memo-
 ria etiam posteris firmavit. Siqui-

Guthi,
Crippa,
Gunfinus
 nascun-
 tur A. M.
 2265.

Insulæ
Guthlan-
 dia divi-
 sio inter
 tres fra-
 tre A. M.
 2286,

Judices
eligun-
tur.

dem ob hanc tertiationem adhuc hodie unam quamlibet harum partium *Tertianam* appellant. *Hinc septentrionalis, Meridionalis & Media tertiana* (*Norder / Synder und Middelbreeding* /) tam in sigillorum titulis, quam in publicis literis Gothorum etiam hodie leguntur. Sed non solum in dividendis provinciis, verum etiam in condendis legibus & judicis secundum æquitatem & justitiam discutiendis germani fratres solliciti erant. At quoniam judiciarii ordinis onus gravius visum est, unusquisque viros quinque prudentia, nec non auctoritate conspicuos in societatem adscivit. Quæ res ut magistratui molestiam magnam ademit, ita plebi non parvam optime constitutæ reipublicæ spem addidit. Decem & octo igitur in Senatoria dignitate constituti, judices ab officio appellabantur. Quæ constitutio & appellatio in hodiernum diem manet. Cæterum *Guthi* cum ab omnibus aliis, tum a fratribus *Grippa & Gunfino* supremus judex consaluta-

tatur. Magna quippe in *Grippa* & *Gunfino* animi modestia conspiciebatur, qui cum supparis essent dignitatis, fraterno jugo sponte colla potius submittebant, quam vel minimam ambitionis notam proderent. Nec vero *Guthi* insolenter indomiteve magistratum gessit supremum, sed fratrum judiciumq; collegio fretus rempublicam non sine summa laude & gloria administravit. Plus igitur gloriæ suâ an fratrum virtute contraxerit, incertum reliquit.

Exinde *Grippa* & *Gunfino* defunctis, ad *Guthi* rerum summa concessit, cujus fortuna virtute alita, eo felicitatis excelsit, ut nullum unquam æmulum in principatu viderit, quamvis æquales multos divitiis honore & viribus pollentes habuerit. Numerosa quoq; insuper prole conspicuus fuerit, ad mortem tamen ipse principatum obtinuit. Quo fatis functo; *Vamlingus* filius, quem præstantior Vamlingus æta honoris tempestivum fecerat, 8us A.M. 2340. nam quinquagesimum annum attigerat, patris loco suffectus, ad cen-

Hablin-
gus, A.
M^o 390.

Hangva-
rus pira-
tas infe-
stat.

tesimum vitæ annum præfuit. **Quic**
quidam firmandum principatum at-
tinuit, acerrima ingenii exercitatio-
ne tractabat. Munitiones & propug-
nacula quam plurima ædificari cura-
bat. Juventutem armis, quam po-
culis asſueſcieri ſpecioſius duxit. Fi-
lios exercitui præſeſſe haud infimo
gloriæ loco cenſuit. **Qui** cum fato
ſe vicinum conſpiceret, ſeptem filios
convocat. E quibus *Hablingus* non
armis modo, ſed etiam ingenio ce-
lebris, incertum fortior an pruden-
tior fuerit, reliquis à patre præfici-
tur. Hic fratrem *Hangvarum* natum
ſe ſecundum navigio donat, atque ei
reliquorum conſenſu in Oceano ori-
entali piratas profligandi munus de-
ferendum decernit. Duabus itaque
in eminentia conſtitutis quinque; alii
ejusdem ſaſtigii cives parebant. **Quæ**
reſut inter Germanos concordiam,
ita in republica animorum alacrita-
tem peperit inenarrabilem.

Hangvarus igitur, cui mare
ceſſit, *Gerittam* & *Beccum* fratres a-
miciffimo vultu & benigniffimo ſer-
mone exceptos in ſocietatem pel-
le-

lexit ; majorem gloriam acquisituros asserens , si liberam navigationem civibus præpararent , quam si privati nihil , quod Reipublicæ prodesse posset , molirentur. His aliisque consentaneis modis fratres affatus propensam eorum fidem sibi conciliavit. Nec cupidius oblatum munus , quam receptum. Socia igitur classe & concordi fratrum opera ac virtute piratis vacuum redditur. Insulæ
Carlorū.
Insulas insuper *duas Carlorum* dictas , (quod vocabulum ab eo compactum est , quia tam piratæ fortiter repugnando , quam Gothi , qui piratas ab his expulerint , viros strenuos se præstiterint) majorem & minorem Guthlandiæ vicinas maritarum virium certamine pertentant donec deletis , ut dixi , latronibus eas possederint. Quippe dum Guthorum fortunæ crescere incipiebant , confluxere undeliber piratæ , atque in his insulis piraterio constituto , cujus vestigia etiamnum in rupibus visuntur , a quo tanquam e specula mercatores advenientes aut abeuntes

tes prospectabant, quos sæpius vitæ & bonis quam plurimis spoliantes miserrime afflixaerunt. *Hangmarus* igitur excellenti virtute contra piratas mota expeditione, navali pugna victoriam consecutus, non inanem spem rerum prospere agendarum Guthis præbuit.

Siquidem hoc est primum Guthorum bellum idq; navale, sed non sine victoria confectum. Atqui hoc facto futuris operum titulis auspiciatissimum dederit exordium. Ea quippe res bellorum Guthicorum magnitudinem augurata est. Nam sexaginta myoparonibus hostium, vel submersis vel debellatis, & captis, *Guthorum*, qui summum decem & octo, omnes erant incolumes. Ea tempestate florebat *Guthlandia* potentia & divitiis, ad Cimbroſ consanguineos & amicos suos multa ex præda, quam in *Insulis Carlorum* nacti sunt, apophoretâ miserunt; quæ munificentia singulorum animos, qui tantis donis adeo honorifice munerati sunt, ad quodvis periculum

lum aggrediendum excitabat. :
quamobrem congregati non parvo
numero societatem *Hangvari* petunt.
Is rebus, ut dixi, celerrime felicissi-
meque confectis non elatus, sed,
quam potest, demississime atq; offi-
ciosissime illorum postulata suscepit,

Oceanum adhuc manus pirati-
ca non reliquit, sed in occidentali
Cimbrici maris parte maxime omni-
um grassata est. *Archipirata* natio-
ne Teutonus, nomine autem *Halmi-
co*, tantam exercuit sævitiam, ut ab-
sentes crudelitatem ejus, velut si
coram, perhorruerint. *Hangvarus*
itaque in consortium ascito *Gunnaro*,
qui non contemnendam Cimbri-
um manum secum duxerat, nau-
machiam denuo tentare non formi-
dat: superioris enim temporis secun-
do prælio animosior nihil adeo ar-
duum sibi existimabat, quod non
virtute consequi posset. Itaque In-
sulæ toti quam maximum potest
navigiorum numerum imperat.
Ubi de eorum adventu Teutonici
certiores facti sunt, nihilominus in-
ne-

negotiatores sævitia usi, sed con-
 stâ Guthorum Cimbrorumq;
 classe, trepidare omnes, atque
 contremiscere, ut ne unum qui
 adventantium impetum ferre
 Non enim nudos & inermes me-
 tores, sed procinctam classem in
 pinquo adesse animadvertunt.
 erat omnium quisquam, qui asp-
 modo tantæ multitudinis susti-
 posse arbitraretur. Sine intern-
 igitur omnes ad ultimum Cimi-
 maris sinum remigiô velôq;, qu-
 tum possunt, profugiunt. Sinus
Slea appellatur. Atqui hujus ap-
 lationis origo ab *alga* descendit;
 Guthi *algam Sle* nominant, cujus
 xima copia maris Cimbrici & O-
 ni æstu in hunc sinum convolv-
 Huc postquam ventum est, pr-
 se parant. Tum vero *Hangvar*
Gunnarus commoti, quod venti-
 cundo destitutis, contrario imp-
 tis piratas consequi facultas na-
 daretur. Forte fortuna, subsid-
 paulatim tempestate, malacia e-

taest. Remis igitur hostes aggre-
 di cœperunt, quoniam velis dene-
 gatum erat. Incidit Gunnarus in
 navem, qva piratarum ductor Hal-
 mico vehitur. Ab his igitur prælia-
 ri inceptum est, quo conflictu uter-
 que occubuit, antequam cæterorum
 quisquam certamen iniret, adeo in-
 festis animis in mutuum perni-
 ciem inhiabant, ut, uter prior
 animam efflaret, incertum relique-
 rint. At *Hangvarus*, vir & consilii ma-
 gni & virtutis, suos hortatur, *ne vel*
“precipitanter in hostem ruant, vel
“ignaviter impetum ejus exspe-
“ctent: Hoc timidis & effœminatis,
“illud audaculis competere. Prioris
“sententiæ exemplum in Gunnaro
“& Halmicone cerni, posterioris ve-
“ro (sic circumspecte & fortiter ipsi
“cum hostibus pugnam commise-
“rint) piratarum reliquam manum
“præbituram. Hac ratione à Han-
gvaro habita mirum in modum o-
 mnibus summa alacritas & cupiditas
 belligerandi innata est. *Hangvaro itaq;*

Piratarum
 clades.

in-

incitatis classico ad prælium n
bus, nec non vexillo sublato,
pugnandi signum dare solitus
hostibus terror plusquam pa
incutitur. Ex quo fit, ut dum
que fugam parat, complures re
navibus scaphas conscendunt,
onere pressis in conspectu socio
submersi animam exhalant, ali
mutuo ad strenue moriendum
hortantur, sed à sociis derelicti
Guthis & Cimbris circumventi
que ad interneccionem cæsi; &
adeo omnes miserabili & vario
dis genere deleti sunt. Cimbr
tem ad sinum *Skæ* habitantes, h
sis, more patrio ingentes pyra
cendere per littora contendunt
signo perquam magnus Cimbro
numerus convolat; nam sæpiu
ratico bello lacerata, ac ferme
tum & vastitatem usque annis
rioribus illorum patria redacta
Perculsi igitur timore, ne etiam
eundem eventum præstolaren
multi enim etsi viderunt alios
navibus sinum ingressi sunt, fug

mandare, alios vero insequi; com-
posito tamen hæc peragi dicebant,
quo facilius daretur aditus in ter-
ram: Omnes namque naves, quas
videbant, celoces prædatorias exi-
stimabant. At ubi littora submer-
forum cadaveribus oppleri, nec non
cymbas eversas remosque huc illuc
fluctibus agitari cernunt, animos re-
cipiunt, seseq; in spem erigunt. O-
neraria navis, dum sibi cavere mer-
catores avent, vado hæret; hanc Gu-
thica insecuta, utpote hostilem, pu-
tans, in idem periculum incidit; de-
missis itaque velis omni studio quid
quæq; earum remigio effici possit,
tentant; verum ea res frustra erat.
Custodiæ in littore positæ id cernen-
tes, acceptis minoribus navigiis &
scaphis ad litus vi fluctuum proje-
ctis non parvo numero naves vado
hærentes aggrediuntur. Cumque
ad has accessissent, de omnibus cer-
tiores facti pene lutulento loco fi-
xas remulco, multisque rudentibus
contententes in altum reductas ex-
trahunt. Postero die mercatoribus

E

per

per prædones ipoliatis res ablatas
 restitui Hangvarus curat; quicquid
 reliquum erat prædæ, æquis portio-
 nibus inter sese Guthi Cimbriq; di-
 vidunt. Verum non solum prædam
 dispartiebantur, sed & nominibus
 commutatis, atque ob fidelem ope-
 ram piratico bello conficiendo mu-
 tuo præstitam promiscue usur-
 patis, factum est, ut qui hisce in
 locis hætenus *Cimbri*, nunc etiam
Guthi dicti sunt. Quare non pœni-
 teat *Johannem Phrisemium*, quod in
 commentariis super cap. 19. l. 1. Ro-
 dolphi de inventionibus scripserit in
 hæc verba: *Gothi sunt, quos Ptolomeus &
 Tacitus γόττας vocant juxta Cimbricam
 Ebersonesum, quam & nostra tempestate
 incolunt.* Huic suffragatur Peuce-
 rus l. 4. *Chronic. Vitas, Saxones, Ju-
 tas interpretantur, à quibus Jutlandie
 nomen. Forte Guttha sunt, quos in Scan-
 dia Ptolomeus collocat, aut rectius Gothi.*
 Dictum est superius, tractum regni,
 qui hodie *Jutia* dicitur, primitus
Videslat patrio idiomate appellatum.
 Hinc

Cimbri
 etiam Gu-
 thi sive
 Gothi di-
 cuntur.

Hinc autores etsi nostræ linguæ cognitionem, quantum ad etymologiam nominis, non assecuti sunt, tamen nostram pronunciationem secuti, gentem hanc *Vitas* appellabant. *Vitarum* enim meminit Beda in hist. Eccles. Anglica, quos Anglis Saxonibus vicinos facit. Sed de Anglis Saxonibus loco proprio notandum erit.

Cimbri
sive Juti
unde Vi-
ta apud
Veteres
diceban-
tur.

De appellationibus igitur gentis *Jutica* sic habeto. *Vitas* a Beda & aliis, quos nos *Vidas* vel patrio sermone *Vider* primitus dictos cognoscimus; Deinde *Vita* etiam *Guthi*, ut commemoratum est, appellati sunt. Postremo ex Guthis, litera G in J permutata, *Juthi* nuncupantur.

Gentia-
Jutica si-
ve Cima-
brorum
varia ap-
pellatio-
nes.

Tali modo ut dixi contra prædatoriam manum re gesta, Guthorum complures militiæ molestiam pertæsi ad finem Sleæ oppidulum extruunt, affinitateque *Vitis* copulantur. Certe civitas ab eventu *Guthorpiæ* nuncupata est, quo in loco castrum *Gotthorpha* hodie conspicitur. Hangvarus autem, Gerittus & Bec-

Got-
thorpha
sive Gu-
thorpiæ
Guthorū
colonia,

cus cum reliqua multitudine tam
Vitarum quàm *Guthorum* perquam
 magnâ onusti prædâ Guthlandiam
 repetunt. Summa tum animorum
 alacritas incolis exorta est : con-
 templati enim socios civesque non
 solum navium numero adauctos,
 Guthi, verum etiam locupletissimos rediis-
 se. Guthia, *Quæ res nomen Gentis mutavit.*
 Guthlandia post- *Guthi* siquidem postea *Gothi*, *Guthia*
 ea dicun- vero *Gothia*, & *Guthlandia* *Gothlandia*,
 tur Guthi id est, *bona terra* sive *regio* nostratibus
 Gothia dicta est. Quare hac in re non aber-
 ●Guthlan- rat à scopo Wolfgangus Lazius de
 dia. migrationibus gentium l. 2. his ver-
 bis: *A bonitate & certaminum laude*
 Colonia *Gothi dicti*. Hæc de nominis etymo.
 Cimbri- Non arbitror esse prætermitten-
 rum five dum, quemadmodum *Vita* pari mo-
 Jutarum do habitationes apud Gothos five
 in Goth- Gothlandos, veluti antea hi apud
 landia. illos acquisierint. Est in Gothlandiæ
 Hogborg australi plaga provincia *Hogborg*, à
 præexcelsa rupe, quæ tota marmo-
 rea est, nomen habens. Hic por-
 Buswig- tus in sinu, qui illorum lingua *Burwig*,
 id est, sociorum Sinus vocatur; nam
Vita

Ita Gothorum socii finum hunc si-
postquam in Gothlandiam rever-
sunt, vendicavere. Etenim Hang-
arus deleta manu piratica *Vitis* hîc
abitationes designat. Hinc colo-
ræ hujus nomen etiam nunc apud
Gothlandos superest, unâ duntaxat
erâ mutatâ *Fita* dictum, quam an-
thesin Germanis, quorum fre-
uens ad portum *Buswig* negotiatio
assit, acceptam referemus; ab illis
nim V litera tanquam F in pleris-
que vocibus profertur, atque hoc
dicto *Fita* in Gothia à Germanis di-
cti, qui antea *Vite* appellabantur.

Fita.

His rebus constitutis, qui in
Gothlandia confederunt, incredibi-
memoratu est, quam facile coalu-
int: Usque adeo enim intra cen-
tum annos auctus est Gothorum
numerus, ut quamvis agros fertilis-
simos colerent, piscaturam excer-
nent, mercaturam facerent, & na-
vigatione celebres habiti sint; nihil-
ominus tamen verebantur, ne brevi
tempore fame prædominante sibi
succutendum esset. Qua de causa

Conciliâ
de aliis
sedibus
quæren-
dis habi-
tum An.
M. 2500
tempore
Josuz.

concilio convocato de reipubl. utilitate Senatus deliberabat, atque hac in re magistratus populique miræ consensio. Decernunt itaq; sortito tertium quemq;, nulla conditionis, ætatis sexusve, habita ratione, ad alias sedes quærendas emittere. Arbitrati sunt enim fame pejus torqueri, quàm in acie fortiter mori. Verùm forte confecta, primarius quidam vir, *Thoro* nomine, sociorum animos instigat, ne sese expelli patiantur, sed arreptis armis reliquæ multitudini resistent fortunamq; potius tentent, quam cum ignominia exilii aleam subeant. Rupem igitur præarduam & fere inaccessam munire contendit, atque ex hac prædabundus in vicinos agros incedit. Sed conatus ipsum fefellit: Nam subito prehensus & capite plexus æternam sui nominis famam loco reliquit. Hunc enim in diem Tyranni nomen rupes *Thoreborg* obtinet, atque hinc factum est, ut montem, quem neq; vi neque gratia vivus tenere quivit, mortuus absque controversia possidet.

fidet. Interfecto Thorone seditionis & rebellionis auctore, *Helgo* dux constitutus insulam Gothlandiæ vicinam *Faroam* petit. Sed quia hæc tantam multitudinem alere nequivit, *Estiam* sive *Estaniam* occupant, quam cum aliquot annos pacifice possederunt, oppida & castella extruxere. Parva quoque Insula & alioqui ignobilis tantos conatus etiam experta est. *Dageder* appellavere majores, nostra ætas *Dagerorth* vocat; nam in hac quoque arcem ædificant. Verum crescente indies multitudine, anno mundi, ut accepi, 2560. fame prædominante, coacti sunt & has sedes mutare. Ductore igitur *Dan. Helgonis filio*, (nam pater eodem anno matura ætate mortem obiit,) profecti versus *Dubonem*, qui etiam *Duna* dicitur, per Russiam in Scythiam Europæam contendunt. Ad *Rubonem* fluvium naves omnes incendunt, ne qua facultas retrocedendi concedatur. Accepi autem trecentas longas naves in cinerem redactas, quarum quæque

Farca Insula,

Gotho-

rum ter-

tia fedes

in Estia l.

Estonia,

Helgo

duct, An:

M. 2502.

Dage-

rorth,]

quingenta, advexit, qui arma
ferre possent, reliqua turba exce-
pta.

Gothorum
quarta
sedes in
Scythia
Europæ,
in qua
est Dacia,
nunc Val-
lachia
magna
dicta.

Constat igitur Gothorum quin-
decim millia per Russiam in Scythi-
am Europæam ingressos, atque to-
tum hunc tractum, qui à Tanai, qui
Asiam ab Europa dividit, ad Thra-
ciam usq; protenditur, per aliquot
secula obtinuisse. Verum de hisce
finibus gravissima orta sunt diffi-
dia inter Gothos & vicinas gentes.
Nam *Geta*, qui antea ex Asia in hæc
loca venerant, & Thraces inita so-
cietate cum Asiaticis bello *Gothos* la-
cesserunt. Inter hos autem vir stre-
nuus, qui ante aliquot annos ducem
exercitus egerat, *Tanahes* nomine,
Rex constituitur, primoque *Getas*
& *Thraces* profligat, deinde Asiam
minorem late vastando pervolitat,
vectigalemq; effecit. Hujus quoq;
meminit Jornandes; & Justinus lib.
2. Sed longe erat, cum, dicit, penden-
di tributi finem Ninum Assyriorum
Regem imposuisse. Et l. i. sic scribit:
*Fuere quidem temporibus (Nini) anti-
quiores,*

Tanahes
15. anno
Jair Judi-
cis Israel
An. M.
2734.

q̃piores, Vexores Rex Egypti, & Scythia: Rex Tanais &c. Omnes enim Historiographi, qui Nini mentionem faciunt, testantur illum imperio Assyriorum præfuisse multo ante. Quod Archilochus quoq; de temporibus testatur, cum dicit, Ninum, cœpisse annis 250. post diluvium novimestre. Atqui hæc rationi magis consentanea sunt. Obtinuit igitur regnum Assyriorum Ninus anno Mundi 1907 ætatis vero Noæ anno 851. Tanahes autem Asiam subegit anno Mundi 2734. tempore Jair Gileaditidis Judicis Israel.

Jam ordine debito ad reliqua, ^{Gothorū} quæ ad Gothos spectant, me confes- ^{quinta} ram. Tempore Trojani belli præ- ^{sedes} fuit Gothis in Mœsia superiori & in- ^{Mœsia} feriori *Telephus*, Herculis ex Auge so- ^{Telephus} rore Priami filius, quem Dion Cas- ^{flor. A.M.} sius Getam fuisse refert, cujus etiam ^{1762.} Jornandes meminit, & Dictys Cre- tensis de bello Trojano l. 2. *Effluxerant autem vix triginta anni inter Tanaes vi- dloriam & Telephi regnum. Telephus non erat Geta, verum à Teutran- Teutras.*

rege liberis masculis orbato adoptatus, nec non *Argiope Teutrantis* filia in conjugem assumpta successor regni constitutus, ut refert Diodorus Siculus l.5. Inter reges Gothorum à Jornande etiam recensetur *Euripilus*, Telephi filius, etsi bello Trojano, cui propter amorem *Cassandrae* intererat, à Neoptolomæo interfectus est, ut tradit Dictys Cretensis l. 4.

Euripilus
flor.A.M.
1780.

A Trojano bello nihil memorabile recenseri potest de Gothis, usq; ad annum M. 3453. Hoc eodem tempore Dario Hystaspide filio sese dediderunt, atque ejus exercitum secuti militiæq; adscripti sunt, Herodoto l.4. Regnante autem apud Persas Dario Longimano A. M. 3522. Antenor l. Orientalium Cimmericorum, sive ut alii Scytharum ad ostia Danubii Rex à Gothis in bello cum multis cæsus est.

Antenor
Anno M.
3522.
à Gothis
cæsus.
Jo. Trichemius.

Profligato Antenore securi sedebant *Gothi* annos fere centum in *Dacia*, quam Transylvaniam & Valachiam hodie nominant, usque ad ætatem

Gothorū
sexta se-
des in
Dacia, A.
M. 3630.

ætatem Alexandri Magni, quo in loco fortissimè pugnando se adversus Macedones defenderunt, quamvis eorum urbem quandam debellasset Alexander, ut autor est Arrianus, 1. de reb. gest. Alex. & Strabo l. 7. Geogr. consentit. Sed Alexandro occupato bellis adversus Darium Persarum Regem, Scythas Asiaticos & Porum Indorum Regem, Gothi in tantam crevere multitudinem, quod totam Scythiam Europæam oppleverint, atque hinc egressi in Germaniam usq; ad Saxones omnia vastantes, eodem anno, quo Alexander M. Porum Indorum Regem ad Hydaspem vicit Anno M. 3637. Variâ deinde usi fortunâ, donec per Saxones & Sicambros, aliosq; Germaniæ populos, quibus præfuit Nicanor, magna clade affecti, in Scythiam Europæam regredi coacti sunt, A. M. 3747. De hoc conflictu extat apud Jornandem, cum tradit, *Gothos Vandalarum terras occupasse; & alibi, Gothis haud procul a Vistula Francos vicisse, castrisq; à regione Gothorum gentem*

Gothorū
septima
sedes in
Germania, Vid.
Jo. Trithemium

gentem exuisse. Romani deinde ad sedandos Gothos Curium Procos. primo, deinde Lucillum quoque eo tempore Cos. Miserunt. Hos autem nihil aut parum exemptos certum est. Lentulum autem de Gothicis triumphasse atque ob devictam Gothicam gentem triumphalibus ornamentis donatum fuisse, refert Cornelius Tacitus l. 4. hist. Sed neque ob hanc cladem penitus subacti sunt Gothi; verum illorum arma & vires expertus est C. Julius Cæsar, non sine summa animi perturbatione & desperatione, Apiano l. 2. belli civil. teste.

Quæ hætenus de *Gothis* dicta sunt, ex antiquissima verustate in Gothia sive Gothlandia inventa, collegi & cum aliis veteribus probatæ fidei autoribus contuli. Verum priorem hanc eruptionem & alias vicinas terras Gothicarum rerum scriptores omnino ignorarunt, sed alios quosdam Reges verius Scythas Asiaticos, quam Gothicos recensent.

Tanais

Tanais Regis, Telephi & Euripili, ut dixi, quidem meminere; de superioribus, quorum ego memini, mirum silentium. Gothi vero in Guthlandia habitantes sua lingua exaratas de his rebus chartas sibi reservabant. Verum his missis ad alia scitu digna stilum conferamus.

Quia vero de nomine inter multos controversia est, utrum *Gothi*, *Gutha*, *Geta*, & *Guthones* eadem gens fuerit? Non arbitror silentio prætereundum huic quæstioni competens responsum. Certe si hæc Borealica regna cognita fuissent antiquis scriptoribus Græcis & Latinis, hisce aut similibus quæstionibus superfedendum esset. Sed quid frustra conqueror? Germania, quæ vicinior multo Romanis exstat, quam hæc regna, non est antiquorum Historiographorum lucubrationibus ad unguem illustrata. Sane vero Cornelius Tacitus, etsi de situ, moribus & populis Germaniæ scripserit, tamen multa vel omisit, vel non cognovit; quod ejus interpretes

tes hodie conqueri possunt. Quid
quod veteres Græci, uti prudentis-
sime monet Philippus lib. Chron. 1.
Gallos & Germanos uno nomine,
Celtas appellarunt, quod absque
controversia videre erit l. 2. & 4. He-
rodoti de Istri fluminis origine. Ad-
de quod Diodorus Siculus lib. 6. c. 9.
idem facit. Sic autores quam plu-
rimi de *Gothis* & *Getis* scribentes, quia
primas sedes eorum ignorabant, va-
ria discrepantia inter se certatim
digladiabantur. *Jornandes* ipse,
quem *Beatus Rhenanus* *Alanum* fu-
isse dicit, etiam si genere se *Gothum*
profitetur, nunquam vidit hæc re-
gna aut aliquas partes terrarum, è
quibus *Gothi* primitus egressi sunt;
nam circa annum Christi 550. gen-
tis *Gothicæ* historiam scripsit. *Gothos*
è *Scania*, quam *Scanziam* vocat, egres-
sos narrat; quod equidem accidisse
conjectat *Syllæ* tempore. Verum
hæc de nomine *Scanzie* & tribus so-
lummodo navibus, quibus vecti sunt
Gothi, fabulositatem sapiunt, veluti
& ea quæ de *Gepidarum* nomine
trahit;

Ann. M.
3880. De
hac eru-
ptione in
ferius di-
cendum.

tradit; relatione autem aliorum hæc omnia habet. Potuit equidem facile fabulis decipi, quemadmodum non solum Historiographis, sed etiam aliis doctissimis viris compluribus his seculis falli contigit. Qvis non miratur doctrinam & ingenium excellentissimi Medici Valerii Cordi? Is in annotationibus *super cap. 84. l. 1. Dioscoridis de Bitumine* hæc scribit: *Liquidum bitumen, quale in Sicilia reperitur, copiose etiam in Gothia gignitur.* Hic vir plane deceptus est nugis quorundam, qui Gothiam nunquam viderunt, nedum ingressi sunt, quod ex sequentibus patet. Nam sic addit: *Est & aliud liquidæ picis genus ex pice generis arboribus, earumque pinguisima substantia elicita, quo axes curruum ungunt, quod nequaquam ad hoc liquidum bitumen referendum est.* Hactenus ille. Certe, hoc posterius liquidæ picis genus eo, quo dicit, modo excoquitur in Gothia, quæ hodie Gothlandia, copiose satis. Prius autem, quod liquidum bitumen vocatur, Gothia non gignit,

gignit. Ita magni cum nominis tum
 autoritatis viri sæpius decipiuntur.
 Sed his omiffis rem ipsam aggredie-
 mur.

Geta ve-
 tuſtiores
 ſunt Go-
 this.

Getarum originem vetuſtiorẽ
 eſſe quam *Gothorum*, manifeſtum eſt
 ex libro I. Chron. Philippi, qui in
 hæc verba elegantiffime quæſtio-
 nem hanc diſcutit: *Inter filios Sem*
nominatus eſt Gether, à quo Getas ortos
conſentaneum eſt. Getas autem Gothos
poſtea nominatos eſſe non dubium eſt, qui
progreſſi tenuerunt eam regionem, qua
nunc VValachia dicitur. Poſtea ſub-
jungit: Significat autem Geth mola,
Gether dominus mola, fortasſis quia po-
ſteritas loca uberrima tenuit. Et lib. 3.
inquit: Nomen Gedid militem ſignificat.
 Sive igitur, ut autor eſt Philippus,
 nomen *Geta* à *Gether*, ſive *Gedid* deri-
 vatum eſt, antiquiorem eſſe conſtat
 appellationem *Getarum* quam *Go-*
thorum. Nam *Gether*, à quo *Geta*,
 inter filios Sem numeratur, Gen. 10.
 & 1. Paralip. 1. Quo autem in loco
 aut qua parte mundi ſedes primas
 poſteritas *Gether* collocaverit, ex
 lib.

lib. 1, c. 24. antiqu. Josephi manifestum est, cujus hæc sunt verba: Sem ter. tio Noe filio quinq, fuerunt filii, qui usq, ad oceanum seorsum habitabant Asiam, ab Euphrate facientes initium. Postea vero inter quinq, filios Sem recenset Aram, a quo progenitus est Gether, de quo sic scribit: Gether Bactrianos inſtituit. Hæc Josephus. Constat Bactrianorum regionem in medio Asiæ sitam, ubi etiam Bactra civitas erat, quam Ninus expugnavit. Diod. Sic. l. 3. c. 2. getz Asiæ inhabitant.
 Fuerunt igitur Asiatici hi *Geta*, ex posteritate *Gether*, qui inter filios Sem numeratus est. Sed inter Thra- ces & Scythas Europæos postea se- des habuisse, atque à *Gothis* debella- tos superius demonstratum est.

Gothi vero non a posteritate Sem originem traxere, sed à Japher, ade- oque à *Guthi* etiam eodem nomine vocati. His suffragatur *VVitichindus Saxo lib. 1. Gothi de insula nomine Scandia egredi sunt; à primo autem Duce Gutho Guthi appellati sunt. Hæc ille. Postea a bonitate & divitiis Gothi dicti, ut su- perius commemoratum est. At-*

F que

que ubi ex Scania in Gothiam sive Gothlandiã, deinde ex hac in Estiam & Russiam pervenere, tandem Scythiã Europæã devictâ, cum Thraces Getasque debellant, *Getarum* nomen adepti sunt. Quamvis Beatus Rhenanus *Gothos* rectius *Geticos* quam *Getas*, quod in *Getarum* regione confederint, vocari maluerit. Testimonia hujus rei probandæ adducam. Theodoricus Adarnus in 4. lib. Procopii de ædific. Justiniani Imperatoris ita scribit: *Gothi quorum hic Procopius meminit à Græcis Getæ appellari, & è Scandia olim Insula primæ originis sedibus profecti &c.* Orosius l. 1. c. 16. sic habet: *Modo autem Getæ illi, qui & nunc Gothi, quos Alexander evitandos pronuntiavit, Pyrrhus exhorruit, Cesar declinavit, relictis vacuefactisq; sedibus suis ac totis viribus toti Romanus ingressi provincias, simulq; ad terrorem diu ostentati, societatem Romani fœderis precibus sperant, quam armis vindicare potuissent.* Et Philippus l. Chron. l. 1. dicit *Getas postea Gothos nominatos*, l. 1. 2. *A Gethis Gothos nominatos non dubi-*

um est. Haftenus de Getarum appellatione, qua ratione Gothis indita est, fufficiat. Jam de reliquis nominibus.

Hic etiam Gutones a numerantur, Philippo l. 3. Chron. teste: *Geta*, Plura nomina Gothorum. inquit, quos Plinius *Guthones* appellat.

Huic fuffragatur Peucerus Chron.

l. 4. *Gothi qui Geta & apud Plinium*

Guthones vocantur. Vid. Plin. l. 4. c. 14.

Quid multa? Plane ex his conftat,

Gothos, poftquam in Getarum

regno coaliti funt, Getas, Gutones

& Gothos promifcue dictos, veluti

antea in Scania ejus confinibus, Juti

quoq; & Gothlandia, Guti, Guthæ,

Vitæ, Juti, & Gothi appellati funt. Ex

tat ad portam meridionalem civi-

tatis Wisby in Gothlandia infelicis

belli Gothorum fub nomine Gut-

tensium contra Danorum Regem

Waldemarum ejus nominis quar-

tum in marmorea ftatua infcriptio

in hæc verba: *Anno Domini 1301. feria*

tertia Jacobi ante portas VVisby in ma-

nibus Danorum ceciderunt Guttenses:

hic feptulti, orate pro eis. (Nihil hic

mutare aut poftponere volui, etiã

è sacris literis edoctus, quid orationi pro defunctis tribuendum sit, ex Dei gratia non ignoro.) Vides Gothos etiam *Gutenses* tertio abhinc seculo dictos. Quare Philippus Chron. l. 3. prudentissime admonet : *Observandum esse, nomina eadem alios magis, alios minus agresti & horrido sono pronunxiasse.* Hactenus de nominum diversitate luculenter me dixisse arbitror, posteaquam de origine Gothicæ gentis ejusque eruptionibus delibatum est. Reliquum est, ut de Gothorum altera eruptione, quæ Anno quadragesimo ante Salvatoris nostri nativitatem contigit, disseram. Verum hæc ad vivum rescare, ut gravissimi auctores quamplurimi fecere, non est mei instituti. Sed paucis ut accepi egressionis tempus, colonias quoque, uti in superioribus feci, recitabo.

Altera emigratio Gothorum An. M. 3903. & ante Christum

Alia equidem manus Gothorum, ut monumentum in Gothlandia à me inventum tradit, non è *Scania* solum egressa est, verum etiam è toto *Daniæ Regno & Sveciâ. Gothlandia.* quo-

quoque, *Gothia Orientali & Occidentali*, nec non è *Jutia*, aliisque Regni Danici Sveticique provinciis Frotonis III. Danorum Regis tricesimi temporibus. Opplevit autem hic exercitus tractum littoris Germanici à sinu Venedico, qui Prussiam aluit, ad sinum Sleæ. Nam Scania *Rugiam*, Svetici cum Gothis Orientalibus & Occidentalibus *Pomeraniam Prusiamque* invadunt. Gothlandi regiones orientales *ad Vistulam* petunt. Atqui hi omnes navibus adventabant. *Justi* autem, qui & *Vitæ* & *Guthi* dicti sunt, cum *Sialandensibus*, *Fionensibus* & reliqua haud parva manu ex Insulis regni Danici conflata terrestri itinere confecto in *Saxoniā* contendunt. Hinc ortum est: *Ostrogothorum* & *Vestrogothorum* discrimen, ut qui è *Scania*, nec non *Suecia*, *Gothlandia*, *Gothia Orientali & Occidentali* profecti sunt, *Ostrogothos* se nominarunt, quod orientiores reliqua manu extiterè. *Juti* qui & *Guthi* sive *Gutha*, & eorum socii, qui ad occidentalem vergebant, *Vestrogo-*

Scania
giā, Sve-
ci & Go-
thlorien-
tales &
Occiden-
tales Po-
meraniā
& Prusiam
Gothlan-
di regio-
nes ad Vi-
stulam,
Juti & re-
liqui Da-
ni Saxo-
niā pe-
tunt.
Ostrogo-
thorum
& we-
strogo-
thorū di-
scrimen.

hi dicti sunt. Atque hæc distinctio ideo facta est, ne quis ab una illagente, quæ inter Daniam & Sveciam sita est, tantos conatus susceptos autumat. Nam inter duo potentissima regna Daniæ scil. & Sveciæ, hincce populus coalitus, qui hodie Ostrogothi & Westrogothi dicitur, quid faceret, absque Societate Danorum & Svecorum? Certe quemadmodum inter Daniam & Sveciam Ostrogothorum & Westrogothorum provincia est; ita in Daniæ occidentali parte *Austroguthiam* & *Aqvilonarem Guthiam*, similiter in Gothlandia Syderguther, id est, Meridionales Gothos, & Nordeguther, quod Boreales Gothos sonat, esse comperitum est. Causam hujus expeditionis, Slavorum in Daniam irruptionem extitisse, tradit Saxo histor. Dan. l. 5. Apparatum vero hujus belli his verbis describit: *Froto trajicienda in Slaviam expeditionis gratia, tam è Danis quam ex finitimis ingentem adscriberat classem.* Et paulo post: *Ætne equitatum terreno proficisci itinere jubet, reliqua*

liqua exercitus parte marinum in-
eunte compendium. Tanta autem na-
vigiorum frequentia mare compleverat,
ut nec receptui portus, nec castris littora
aut commeatibus impensa suppeterent.
Terrestris autem acies tanta fuisse fertur,
ut compendii gratiâ explanasse montes,
meabiles effecisse paludes, lacunas agge-
ribus exaquasse, vastissimasq; voragines
injectis molibus expleffe dicatur. Hæc
Saxo. Quis non videt, hunc exerci-
 tum justum extitisse ad subigendas
 nationes & gentes quantascunque;
 non illum, qui tribus tantum navi-
 bus trajecit, ut *Jornandes* scribit.
 Certe horum trium Regnorum po-
 puli tanquam in unam massam con-
 flati omnem pene Germaniam sub-
 egerunt. Cujus rei vestigia quædam
 Gothicæ gentis, ut autor est *VVolf-*
gangus Lazius de migrat. gent. l. 10. iis
 ipsis in agris Germaniæ manet. Nam
 & Gotha civitas in Silesia, & altera
 apud Misinos, & in Bohemiæ agro
 Gutthenberg & Gutthenstein haud
 ignota castra etiamnum inde appel-
 lata supersunt.

Gothi sane qui ad Istrum antea
Francis, nec non aliis Germanorum
gentibus quamplurimis sunt pulsi.
Romanorum potentiam timentes,
ad hosce, quì secundo egressi sunt,
Gothos Antiquos consanguineos &
congentiles legatione missa, per-
quam amice suscepti sunt. Hanc
expeditionem *Fragmentum* in Goth-
landia situ & squalore erutum in
hæc verba continet: *Frotho magnus*
ascitis in societatem Alrico Specia, & Ge-
stiblando Gothia Regibus, postquam Van-
daliæ ob crebras rapinas severissime ut-
tus esset, omnemque Germaniam sibi sub-
jecisset, Beronem Bister exercitui præfe-
cit. Ipse autem Rex Frotho in Daniam,
Alricus & Gestiblandus in propria regna
redeunt, Sclavorum depredationibus,
quos antea male minisq; formidabant hæc
regna, subditos suos non solum exemptos &
liberos, verum etiam suo fædere cunctis hoc
vicinis gentibus terribiles effecere. Hæc
habet fragmentum. Non possum me
continere, quin audacter hic profe-
ram quæ sentio. Berobister non potest
esse Berobister, qui alius à Berobista.
Au-

Autores qui de Gothis scripserunt, quoniam linguam Borealium regnorum non callebant, ex proprio & cognomine solum proprium extruxere. Sed neque in hoc concordantes: Quidam enim *Berabistam*, quidam *Borabistam* quidam *Borostam*, quidam *Bæristum* scribunt. Lazius quia Danica, Svetica & Gothica nomina vult facere propria Germanica, hac in re mirum quam se torquet, nunc à veritate, nunc à propugnatione *Bærobista* nomen deducit. *Bæro* apud Danos, Svecos & Gothos etiam nunc in usu est, & scribitur in vernacula lingua per ö sive Danicum diphthongum in prima, & e vocalem in ultima Syllaba. Sed Diphthongus æquivaleret Diphthongo latino; profertur vero syllaba habens ö à Danis eo sono, quo Germani proferunt in sua lingua syllabas continentes o cum e superscripto, velut ö. *Bore* igitur apud Gothos significat *inceptorem* à verbo ejusdem nominis bore. Nam *Gothi* cum aliquo quærunt, utrum

hoc aud illud incepit, sua lingua dicunt: *Haver du Boret Plone/saa/Hofte/* quod Latine diximus; Incepisti arare, serere, metere. Hæc de proprio nomine: Jam de cognomine dicimus. *Bister* patrio sermone *atrocem, asperum, sive crudelem* significat. Hoc itaque cognomen illi impositum erat, quod hostibus formidabilis exstitit. Auctis igitur viribus Berobista Gothorum Rex plurimos finitimorum populorum Gothorum ditioni subdidit, trajectoque audacter Istro Thraciam diripiens, usque in Macedoniam & Illyricum magnum Romanis terrorem incussit, deque finitimis Gallis, Thracibus & Illyriis prædas ingentes reportavit. Bojos autem & subditos Cretoscyro Regi populos Augusto imperante funditus delevit, simul & Tauriscos, ut autor est Strabo l. 7. Geogr.

Sed affinitatem fuisse inter Augustum & Cotisonem Gothorum Regem tradit Svetonius in vita Aug. ita referens: *Marcus Antonius scribit, pri-*

mumæum, Augustum sc. Filio suo despon-
diffe Juliam, deinde Cotisoni Gotharum
Regi, quo tempore sibi quoque invicem fi-
liam Regis in matrimonium petiisset. Co-
tisonem Horatius carm. l. 3. Daco-
rum Regem vocat. Non igitur mi-
rum, si Plinius l. 4. Dacos & Getas ean-
dem esse gentem scribit. Nam Gothi
mixti Dacis & Getis, ut superius
commemoratum est, Daci dicti sunt.
Singulorum Regum vel Principum
nomina recensere, quemadmodum
& bellorum supersedeo, cum tædio
refertum esset in his immorari. Ne-
que hic de Oppis Sabino & Cornelio
Fusco ducibus à Domitiano contra
Diurpaneum Gothorum Regem missis,
atque ab eodem ad internecionem
cæsis quicquam dicere volo. Vid.
Sveton. Prætereo quoq; Trajanum,
Hadrianum, Gallienum, Claudium
& Aurelianum Imperatores, qui
dubia fortuna adversus Gothos sæ-
pius usi sunt. De his Dion, Eutro-
pius, Trebellius Pollio, & Flavius
Vopiscus.

Quam atrox bellum contra.

De-

Bellum
 Gothorū
 contra
 Decium
 An. Chr.

Decium gesserint Gothi, hinc apparet, quod in priore prælio triginta millia Gothorum ceciderunt. Verum postea Decius arte in loca palustraria tractus, & in Abricio Thraciæ flumine submersus, filius fortiter in prima acie dimicans interficitur; uti Jornandes, Cassiodorus, Orosius, Eutropius, Pomponius Lætus, Sextus Aurelius, Jo. Baptista Egnatius & alia non parva scriptorum turba, tradit. Hæc facta sunt circa annum Christi 253. Sequenti anno Gallus Imperio præfuit, cum Gothis foedus firmat, non sine Romani nominis ignominia tributum eis pendens, ut tradunt Pomponius Lætus & Blondus. Hinc Gothi è Thracia in Asiam irrumpunt, omnia longe lateque vastantes; Ephesiæ Dianæ templum incendunt, Græcia, Macedonia, Pontus & Asia hac inundatione delentur, Orosio teste. Hæc quidam adscribunt ignaviæ Galieni Imperatoris; sed *Orosius* lib. 7. c. 22. rectius iræ divinæ, quæ propter crudelitatem, quam

Fœdus
Roman.
Imp. cum
Gothis
pangit.

Gothi in
Asiam ir-
rumpunt

quã adversus Christianos exercebant Roman. Imperatores, excanduit.

Anno Christi 274. *Cannaba* Gothorum Dux trans Danubium a Valerio Aureliano interfectus; sed Gothos Aurelius Probus per deditionem in amicitiam accepit anno 281. Flavio Vopisco teste. A Constantino M. circa annum Christi 336 denovo victi sunt, verum restauratis vicibus potentissimum quoq; Regem nacti *Ermanaricum* transeuntes Istrũ, Thraciam pervastarunt, Valentiniano I. Rom. Imperium obtinente. Porro de Valentis miserabili fortuna, deque Romani exercitus strage per Gothos facta id solum hoc loco monendum censui, Legiones Rom. peditum ab equitum turmis desertas primo sparsim fugisse, deinde funditus cæsas. Imperatorem sagitta faucium atque in tugurio cujusdam pagi ad Adrianopolim latitantem combustum. Atqui hæc erat ultio divina ob octuaginta Episcopos, quos navi incensa interemit, ut Sozomenus in tripartita historia scribit.

Cannaba
A. C. 274.

Gothi in
amicitiã
accipiuntur
ab Aurelio Probo
A. C.
281.

Ermanaricus, A.
C. 336.

Strages
Romani
exercitus
per Gothos facta
A. C. 336.

scribit. Vid. *Eutropium*, *Ammianum*,
Pomp. Latum, *P. Diaconum*, *Jornandem*,
Orosium, *Joh. Baptistam*, *Sextum Aureli-*
um, *Egnatium* &c.

Gothi Triennio post Valentis obitum.
Thessali- *Thessaliam*, *Thraciam*, *Pannoniam* &
am Thra- *Epirum* vastant, donec a Theodosio
ciam & Imp. rursus bello tentati, superati,
alia re- & e Thracia expulsi sunt. Sed me-
gna va- tus non est tamen sublatus: nam cum
stant. Gothorum Rege *Athalarico* Theo-
Athalar- dosius fœdus iniit; postquam ve-
cus Rex, rosius *Athameri-*
quem O- cum vo-
rosius A- cat.
thameri-
cum vo-
cat. Gothi
Rege ca- Rom. Imperatore stipendia fecere.
rentes Cæterum non est silentio transoun-
sub Rom. dum, quod scribit *Johannes Damascen-*
Imp. mi- nus in supplemento *Eutropii* de *Athalarico*
litant. in hanc sententiam: Cum urbem *Con-*
stantinopolim intrasset, & tam adificia ci-
vitatis, quam qua ad diem festum con-
fluxerat, populi frequentiam cerneret, ac
per singula inhareret mente, cumq; dein-
ceps Imperatoris Regiam ingressus, obse-
qui officiaq; diversa conspiceret; Sine da-
bio, inquit, Deus terrenus est Imperator,
contra

tra quem quicumq, manum levare ausus fuerit, ipse sui sanguinis reus erit. Sed his misis, ad finem properemus.

Mortuo Theodosio *Gothi* ab Im-
perio deficientes *Pannoniarum* regno
potiti sunt, Arcadio & Honorio ad
imperium evectis, nec non negan-
tibus stipendia, quæ pater Theodo-
sus Gothis dedit. Quid porro ho-
rum Imperatorum tenacitas effecit,
experti sunt postea Romanorum,
Imperatores, Galliarum quoque &
Hispaniæ opulentissima regna. *Vid.*

Jornandem. Siquidem denegatis, ut
dixi, stipendiis, *Gothi Alaricum Regem*
faciunt, relictâ Thraciâ, Pannoniam
occupant. Quinquennio post hunc
tumultum *Radagisus* Rex ex Illyri-
co ac Pannoniis in Italiam exerci-
tum CCM. Gothorum duxit, quo-
rum maxima pars deleta, *Radagisus*
fugiens à Stilicone Consule captus
in vincula conjicitur, ac paulisper
retentus vitâ privatur. Itaque cum
prima ista irruptio in Italiam non
succesit, tentavit alteram eadem
tempestate *Alaricus* alter Gothorum

Gothi
Pañoniæ
potiti.

Alaricus
Rex Go-
thorum

Radagisus
Rex
Gothorū
Italiam
primum
intrat,

capitur &
morte
punitur.
Alaricus
Rex Go-
thorum
Italiam

Rex, vastat.

Rex, qui ditioni Romanæ & Theodosio Imperatori subiectus, atque contra Eugenium Tyrannum Italia præbens, propterea Romanis civitatibus fuerat honoratus. cum ab Honorio sedes, quo cum exercitu suo consistere posset, exiret, Honorius deliberato contra Gallias iisdem concessit. Sed fide circumventi in die sacratissimi Paschatis à Saule Judæo quo jussu Stiliconis, ex victis victi evasere. Hinc furore & rabie citati, cœptum iter deferentes, viam contendunt petere, cunctis per quæ ierant, igne ferroque stantes. Nec morâ urbem capi devastant, incendunt Anno Christi 413, Urbis vero 1163.

Ataulphus Rex Taceo de *Ataulpho* Gothico rege, qui post mortem *Alarici* exercitum in Italiam duxit. Taceo de affinitate, quâ propter Placidiam Honorio Cæsari junctus. Taceo, quomodo Placidie inquit ac subtilium verborum blanditiis Rex Gothicus retentus sit,

a. in Rom. Imperium tentaret.
quia multi classici scriptores lu-
nter tradidere, quæ post ingres-

Gothorum in Italiam, usque ad
setis victoriam de Gothis, acta
, supervacaneum arbitror ea
retexere. *Vid. Fernandem Proco-*

i, Agathium, Leonard. Aretinum.

que meæ intentionis est singula
a describere, sed solummodo ori-
um & colonias, ut præmonui, re-

ferre. At tamen non prætereun-

arbitror, Romam ter à Gothis ca-

n. Primo ab *Alarico*, ut superius

um est; de quo ita fertur. Cum

ricus pergeret Romam, vir qui

ivenerabilis, conversatione mo-

hus, eum monuisset, ut mala ra-

acere non auderet, neque neci-

gauderet, aut sanguine. At

Non ego, inquit, *volens Romam pro-*

cor, sed quidam quotidie molestus,

uens & dicens: Perge & destrue ci-

item. Conf. Procopium, & Joh. Bapt.

atium. Secundo, *Totilis* urbem

uit A. C. 546. Qui cum ad beati

tri limina pervenisset, Pelagius

Roma
ter à Go-
this ca-
pta,
i. ab A-
larico A.
C. 413.

2. à Toti-
li A. C.
546.

urbis Episcopus præsentiam ejus
formidans, solenni religionis indu-
tus, Evangelia Christi tenens in ma-
nibus, & genua submittens, *Parce,*

3. ab eodē

Totila

A. C. 549.

*inquit, Rex supplicibus tuis. Totila
autem superbo nimium quasi aspectu de-
dignans, Nunc itaque, inquit, Pelagi-
mibi supplicaturus venis? Ad quem Pe-
lagius, nunc, inquit, quando DEUS te mihi
Dominum esse voluit. Miserere igitur
servorum tuorum. Ex hoc Totilas quasi
lenita ira precepit, ut nemo posthac feri-
retur. Sed finis esset licentia gladiatorum
& cadibus. Vid. Procopium qui bel-
lo interfuit, & Leonard. Aretinum.
Tertio, postquam à Totila & Gothis
ad solum destructa erat, à Belisario
reædificatur: Verum Totilas tri-
ennio post desolationem rediens,
denuo eam cepit, sed non sine cæde
Romanorum & militum Belisarii
Anno C. 549.*

1. Gotho-
rum in
Galliis
sedes.

Porro de Gothorum in Galliis sede
scribit Procopius in hanc sententi-
am. Interea Alarico mortuo Visigo-
thorum exercitus duce Ataulpho Gal-
liam petiit. Et Galliam quidem
spon-

sponte reliquerunt Gothi, vel, ut alii volunt, pulsi à Francis, tutiorem in Hispaniis habitationem quæsiwere. Sed regnavit quoque in Galliis *Theodoricus Rex Gothorum*, quem Hunni in prælio Catalaunico occiderunt, victorem tamen. Et *Torismundus* ejus filius, qui Athiliam cum Hunnis Galliâ prorsus expulit. Deinde *Euricus Visigothorum Rex* Avernam Galliæ civitatem occupavit. Prætereo hic multa sciens, quia satis esse judico, monstrasse sedes in Galliis Gothos habuisse. Vide Jornandem, Sidonium Apollinarem &c.

Tempore Honorii circa annum salutis 412 *Alaricus Gothorum Rex*, cum in Galliis rerum potius Imperium Gothorum paulatim usque in Hispaniam propagavit, successorem in utroque regno, Galliarum scilicet & Hispaniæ Taraconensis *Ataulphus* reliquit. Post quem *Sigericus*; Et illum *Vallia* Rex secutus. Quid plura? Haud exiguum Gothicorum regum in Hispania catalogum recenset *VWolff. Lazius de migrat. gent.*

l. 10, quorum seriem producit:
 rulum V. Rom. Imp. & ej-
 trem Ferdinandum. Catal
 quoque provinciam à Gothi
 nomenclatura deducit. Qui l
 lectatur, consulat *Lazium* lo
 tato.

Tejas Rex Go-
 thorum
 in Italia
 ultimus. Redeo ad Gothos à Nari
 Italia devictos. Post mortem
Tejas à Gothis Rex eligitur,
 Narsete prælio victus & oc

Regni
 Gothici
 in Italia
 finis. nondum primo regni anno
 Erat autem Tejas ultimus Re
 thorum in Italia: Atque sic Go
Regnum in Italia finem habuit.
 Gothi ob regis cædem nequa
 deterriti; cæterum uterque

Gotho-
 rum con-
 tra Ro-
 manos
 pugna
 pertinax citus à Solis ortu usque ad no
 pugnabat, factisque tenebris
 nox perstabat. Postquàm d.
 lucebat, in pugnam reditu
 ad Solis quoque occasum eo
 que die cum magna utriusque
 tis strage dimicatum. Sed C
 nusquam pedem referentes,
 et videbantur. Tandem re
 berata, Oratoribus quoque ad l
 se

selem missis, se Italia decedere polliciti sunt, si incolumes abire suaq; asportare permittantur: Sin hæc non permittat Narses, quamdiu superstitēs sint, tam diu pugnare non desituros. Quam rem cum intellexisset Narses, mira affectus est lætitia, omniaque illis concessit, ne adversus homines, qui æque necis ac vitæ amantes erant, dubia fortuna uteretur. Fœdere igitur icto, sua asportantes Italia discedere, & nunquam adversus Romanum Imperium bellum gerere pollicentur. Libertate tamen retenta sine ulla erga Romanos Imperatores obsequii observantia. Hoc pacto Italiæ pax à Gothis restituta circa annum Christi 553. cum annos quinquaginta octo Italiæ & totius fere occidentis imperium obtinuissent. Nam *Theodoricus Veronensis* Italia anno Christi 495. potitus est, post quem septem Gothorum Reges ordine continuo regnarunt, quorum *Tejas*, ut dixi, postremus regno & vita privatus est. Fuere quidem antiquiores *Re-*

Gothi
Italiâ discedunt.

daguisi & Alarici in Italiam irruptiones, ut superius commemoratum est; verum nullus illorum, etsi Italiam gravissime affligerint, regnum, ut *Theodoricus Veronensis*, in Italia aut Romano solo constituit. Sed neque *VVidimyris Gothus* regno in Italia præfuit, quamvis in Italiae terras ingressus est, verum rebus humanis confestim excessit, successorem *VVidimyrum* filium relinquens, qui acceptis muneribus à Glycerio Imperatore Romano, qui postea apud Salonas Dalmatiæ urbem Episcopus factus, in Gallias tendit. Primus igitur *Theodoricus Veronensis*, ultimus vero *Tejas* inter Gothorum Reges Italiae imperium obtinere. Confecto igitur bello Gothico Principes concilio convocato, quid porro agendum sit, deliberant. Pronunciatis itaque libere sententiis, statuunt non indecorum fore, si sub Romana militia, quibus ita fert animus, stipendia facerent; reliquis autem, quo patrius fervetur honos libertasque, ten.

Pars Romanæ militiæ adscripta, pars natale solum repetit.

tentare consulant, si qua ratione, quave via in Gothlandiam & primævas sedes pervenire queant. Dimisso concilio in duas partes Gothorum exercitus divisus est, quarum altera Romanæ militiæ adscripta in Italia remansit, altera occasionem captans, quo sese tuto itineri mandare poterat, non destitit, donec *Gothlandiam*, solumque, ex quo natale traxit, denuo ingressa est. Cujus rei testimonia apertissima in Gothlandia etiam nunc extant. Siquidem lingua, qua hodie utuntur *Gothlandi*, indicat reliquias Gothorum in hanc Insulam rediisse. Complura enim vocabula Romanum sapiunt sermonem: nam *mamma* vox infantibus à matribus sic edoctis, quemadmodum & vocula *tata* frequentissima est: Item, *boje*. Pleraque quoque corruptæ proferuntur, uti *mausa* pro *musca* & *mys* pro *mus*, nisi hoc Græcum dicere vis; nam sunt & Græca quædam illis in usu, quamvis paululum declinant nonnulla. Terra vox minoris ad

Literæ
Gothicæ
Runæ
vulgo
vocata, à
VVulfilæ
Gotho-
rum E-
piscopo
dicuntur
inventæ.

maïorem. ὄνυχ, ungula Gothi
progeniuit vocabulum *Horpe* / e-
quā significans. His adde quod li-
teras Gothicas, quæ adhuc ubivis
locorum in Dania & Gothlandia
visuntur, & a nobis antiquo nomi-
ne *Rune* vocantur, a *VVulfilæ* Go-
thorum Episcopo primum ortho-
doxo, mox sub Valente Imperato-
re Arianae hæreseos assertore perti-
naciſſimo inventas, librosque sa-
eros in linguam Gothicam conver-
ſos aſſerunt antiqui ſcriptores, & in-
ter illos Socrates hiſt. Eccleſ. l. 4. c.
33. Cui quidem ſententiæ, quantum
ad literarum Runicarum primam
originem pertinet, ſubſcribere no-
lo, cum monumenta illa ſaxea po-
ſteris adhuc in Dania ut & Gothlan-
dia obvia, & de quorum vetuſtate
nullus dubitare poteſt, evidenti-
us evincunt, literas illas Runicas mul-
to vetuſtiores eſſe. Sed magis mihi
arridet Iudicium Bonaventuræ Vul-
canii, qui hunc in modum de *Vul-
filæ* opera in literatūra Runica ſic
diſſerit: *Ego veropace horum autarum*

Geli.

Geticarum literarum usum apud Getas longe ante Gulphila tempora viguisse existimaverim; sed per Gulphilam Romanis primum innotuisse, quippe qui in linguam Gothicam Biblia sacra converterit, cujus exemplar MSC. idque vetustissimum Gothicis literis majoribus scriptum in aliqua Germania Bibliotheca delitescere audio.

Porro reliquiae Gothorum circa annum Christi quingentesimum quinquagesimū septimum in Gothlandiam redeuntēs à gentilibus suis perquam amice suscepti sunt, cum quod pestis, quæ paulo ante tempore Justiniani Imperatoris grassata est, miserabili strage Gothlandiam affecisset, tum quia à vicinis & præsertim orientalibus populis Livoniam, Curlandiam & Estiam incolentibus piratica infestabantur. Provinciam, quæ illis à Gothlandis concessa est, *Romam* appellavere, ut nomen Romanum saltem apud illos maneret, qui caput orbis toties afflixerant,

Gothi in Gothlandiam redeunt A. C. 557-

(De hac peste Nicephorus l. 17. c. 17.) Provinciam sibi concessam Romam appellant; quod nomen adhuc retinetur.

Hoc in loco apud Gothos postea

exstructum est monasterium ordinis Benedictini, cujus templum totum marmoreum erat. Extat igitur etiam nunc nomen *Roma* in eadem Gothlandiæ provincia, antiquarum rerum vestigia & indicia referens. Gothorum sane Reges, & in his Autalphus ardens inhiabat (Orosio lib. 7. c. 43. teste) ut, oblitterato Romanorum nomine, Romanum omne solum Gothorum imperium & faceret & vocaret, essetque, ut vulgariter loquar, *Gothia* quod *Romania* fuisset. &c. At ubi hæc à Gothis in Italia compleri non potuerunt, *Romam*, ut dixi, in Gothlandia conditam harum rerum monumentum maximi fecere.

Et hæc sunt quæ de Gothorum.

Migrationibus & coloniis ex variis collegi monumentis antiquissimis, quæ in *Gothlandia* etiam nunc visuntur, quibus eo major fides habenda, cum ab antiquis rerum Gothicarum scriptoribus parum aut nihil

nihil discrepant. Porro de bellis quibusdam, quæ Insula sustinuit *Gothlandia*, pergere volo.

Gothlandorum fortunæ multi non solum privati, verum etiam Reges & Principes invidebant. Hinc sæpe numero bello tentati, verum non multitudo hostium, non consilium, non incæptum, non vires, non denique eventus exspectationi respondebant. Tentata res est à Svecis, Russis, Livonibus, Curis, Estonibus, Prussis, Sclavis aliisque gentibus Oceano orientali finitimis. Gothlandi autem, libertate retenta, quæcunque damna illata sunt, levia putabant. Ante alios, qui Gothlandiam armis aggressi sunt, longe atrocissimus erat Rex Sveciæ *Ericus* hoc nomine *septimus* à victoriis celeberrimis agnomen sortitus: Hic cum Daniæ Regem *Svenonem* hujus nominis *primum* Christianorum osorem & persecutorem acerrimum bello in Scania devictum in exilium ad Norvagienses, Anglos & Scotos compulisset, insolentior factus, Goth-

Gothlandia à variis infestata gentibus

maxime ab *Erico* secundo Sveciæ Rege A. C. 980.

Gothlandiam An. Christi 980. navali bello, infestabat, crudelissimeque, quos in captivitatem abstraxisset, afflixit. Quamobrem Gothlandi vocatis ad concionem principibus & populo de Legatis ad Regem Sveciæ mittendis consultant; verum qui munus Legationis susciperent, non reperiiebantur, maximeque terroris causa pro se quisque Legationem recusabat. Tandem integro die disceptionibus extracto, unum omnium *Halvarum* à gracilitate tibiarum *Straabeen* cognominatum deligunt, qui apud Regem de pace agat. Hic summo in Gothlandia natus loco, facundia omnes anteibat. At quoniam Rex omnibus formidabilis extitit, concione advocata hujusmodi orationem *Halvarus* habuit: *Quod felix faustumque sit vobis rei que publica, non desunt in Gothlandia qui me autoritate & sapientia longo post se relinquunt intervallo; quare hac Legatio cum magis diserto, tum prudentiori dari posset. Sed tamen munus mihi concreditum haud recusabodum.*

Oratio:
Halvari
Straabeen
ad populum
Gothlandicum
ante Legationem
suam in
Sveciam.

*dummodo legationis hujus periculum,
 quod in caput meum redundabit, æqua
 trutina apud vos examinari intellexero.
 Regem Suecia quis non animadvertit ui-
 ctoriis elatum cadibusque crudelem?
 Cum vos supplices senserit, Gothlandiæ vi-
 res conquassatas opinabitur. Horret a-
 nimus referre, quam miseras & intole-
 randas pacis conditiones præscribat; qui-
 bus amplectendis si supersederimus, con-
 festim me liçtoribus, ergastulariis nec
 non carnificibus torquendum & excar-
 nificandum tradi videre videor. Quod
 malum, quo æquiori animo tolerari que-
 at, multam quasi trium homicidiorum
 vobis irrogatam, mihiq; periculosissi-
 ma Legationis præmium numerandam
 postulo: Nam me neci dato, de uxore &
 filio conclamatum est. Hanc multati-
 tiam pecuniam, quam exigo, apud tres
 primores deponi volo. Quod si reditum
 in patriam fortuna denegaverit, inter
 uxorem & filium æquæ a portione bipertia-
 tur, ut non solum mea necis, verum etiam
 sue viduitatis uxor, orphanitatisque fr-
 lius solatium habeat. Verum si re sal-
 va beneque gesta legationis nuncius re-
 diero,*

diero, premium nullum pascō, minus quam præscripsi, ad ararium redeat præmii habeo, si a civibus mea bona receptus fuero gratia. Hæc quidem hæc locutus, omnium conciliavit animos. Accidit, ille se itineri accingeret, ut intermenta, quorum gregem nunc sum possedit, tergeminos pulli qua enixa est. Quod ipsum in eo non tam prosperioris succi quàm levioris periculi accepit. Quod obrem nec ita multum moram Sveciam petit. Forte dum hi appulit, regale apud Upsalam bratur convivium. Hac re cognoscitur Legatus, quem decem ingenuos venes egregie armati consecuti ornatiore indutus chlamyde, cum am ingreditur, Rege Regina consalutatis in medio aulæ spectu innixus substitit. Munerum de quæ honoraria appellantur, mentione, Regem, quantum tuit, verbis miram gravitatem dolentibus humillime obsecranda dona à Gothlandis missa non d

ceret. Dona autem tulit, actuariam navem, qua ipse vectus erat equos insuper & boves haud exigui pretii, quos oneraria navis advexit. Tum vero Rex non sine ira infit: *Inter mirabilia referri debet, Gothos, allatis donis, Regem Suecia supplices salutatum venire. Ad hæc Halvarus: Longe gentium absit, nos cuique supplices porrigere manus. Sed habitus non sordidatus aut squalidus, verum militaris & nitore prestans liquido indicat. Viros fortes & magnanimos nulla vis absterreat, quin mandata conficiant, etiam si jus gentium ubique locorum Legatos tutos proclamaret. Itaque si pacem, quam asserimus, Rex amplectitur, neque Xenium respuat, nobis gratum erit, si armis magis delectatur, & nos bellum aperte denunciemus.* Quibus verbis permotus Rex, Halvaro comitibusque singulis mortem interminatus est. Ad ea Halvarus intrepide ita respondit: *Sane vero pro patria oppetere mortem gloriosum esse rear. Quem mors non territat, quomodo minas reformidaret?* Tum Regem non solum
 Lega-

Legati constantiam mirum in modum admiratum, verum etiam mutato animo de donis benevole interrogasse ferunt. Quod cum Halvarus animadvertit, *Dona, inquit, O Rex! attulimus eximie splendidissima Celocem de industria ornatam atque armatam, duodecim insuper equos tolutarios nivei coloris; his viginti boves auratis cornibus utique non macilentos adiungimus. Hæc, inquam, tua majestati gloria nobis honori, hosti perniciæ esse possunt.* His auditis denuo Halvarum his verbis Rex allocutus est: *Perquam velim scire, quidnam novi in Gothlandia acciderit, cum gens bellica virtute insignis pacem amplexa est.* Tum Legatus prodigiosi partus memor ita adrogatum respondisse fertur. *Ecastor nihil, quod sciam, antequam legatio mihi data est, præter spem evenit: Verum dum res navigationi necessarias destinabam, armentarius equam tres pullos peperisse denunciabat.* Quod responsum sicut convivis risum movit, ita Regem, ut ultra inquireret, instigavit. Inquit ergo, *sugentibus duobus, quomodo*

modo sese tertius habet? Halvarus gladio suffultus, cum considerabat inter convivas summum locum obtinere Legatos Regum Daniæ & Scotiæ, qui apud Regem Ericum, quamvis frustra, Svenonis Danorum Regis nomine de pace agebant: Non meliore, inquit, loco res pulli, quam nostra videntur. Ille siquidem calcibus impetitus spe lactatur, nos dum alii usque assatim edunt, bibunt, jocantur, questionibus conficimur. Conversus igitur Rex ad Reginam & convictores: Et æquum dicere videtur, inquit, Halvarus, & nos ob respondendum libertatem, qua usus est, questionibus super sedemus. Legatum igitur ad mensam stantem sic allocutus fertur. Quandoquidem scitus mihi videri hospes, hodie te nobis lepidum convivam exhibeto, crastina die seria agamus. Postero die tædus hoc pacto iectum est. Rex ^{Forsius} ^{facit Hal-} ^{varus} ^{cum Re-} ^{ge Sve-} ^{cia.} quotannis in Gothlandiam verno tempore mitteret Fœcialem, qui pacem liberamq; navigationem proclamaret, Gothlandi vicissim in singulas annos Regi sexaginta pondus argenti numeraret. Na-

vali quoque ingruente bello, Regiam classem decem navibus excellenter armatis adaugerent. Fœdere iſto, Ericus Halvarum aurea torque ſingulosque comites gladio, arcu & pharetra ſagitis muſta donavit. Re bene geſta Halvarus proſpera navigatione uſus in patriam rediit. Qua re cognita ad portum utriuſque ſexus multitudo confluit, nec vero erat omnium quiſque, qui non ſummis laudibus Halvarum extollebat. Jam vero *pacis*, jam *patria pater* appellabatur.

Olaus
Sveccie
Rex Eri-
ci filius
Goth-
landis
auxilia
contra
Harqui-
nū Sue-
nonis
Reg.
Dan. fra-
trem
mittere
ſuperſe-
dera.

Mortuo Sveciæ Rege Erico variæ rerum mutationes exortæ ſunt. Si- quidem Daniæ Rex Sveno ab exilio rediens Syriſtham Eri- ci uxorem ſibi matrimonio ſociavit. Olaus Eri- ci filius in Patris locum ſuccedit. *Haquinus* Svenonis frater, qui Sembiam bello ſubactam poſſedit, Gothlandiam ex improviſo aggredi molieba- tur. Hac re per ſpeculatores cogni- tâ, conſeſtim miſſâ ad Sveciæ Re- gem Olaum Legatione, quatenus contra Haquinum auxiliarem mit- teret

teret classem secundum foedus superioribus annis inter Svecos & Gothlandos confectum : Neque verò quicquam auxilii subsidiive ab eo impetrari potuit. Itaque exemplo exercitum navalem contra Aquinum conscribunt. Verum re infecta Haquinus è medio sublatus est Anno Christi 1010.

Gothlandi igitur ab illo tempore usque ad annum 1361. libertatē retenta, nulli potentia aut armis cedebant. At anno 1361. *VValdemarus IV.* Gothlandos bello subactos Regno Daniæ adjecit. Verum tempore *Margareta VValdemari* filiae ab Alberto Rege Sveciæ obtenta, pauloque post anno 1388. *Alberto* capto non solum *Gothlandia* regno Danico restituta, sed & totum *Regnum Svecicum* sceptra subjectum. Anno autem 1398. tempore ejusdem Reginae *Marianus* in Prussia, quos *Dominos Cruciferos* appellabant, Gothlandia intercepta, verum à *Margareta* recepta est. Postea anno 1448. *Rex Ericus* *Margaretæ* ex sorore Nepos ibi

Gothlandia a VValdemaro IV. Rege Daniæ debellata A. C. 1361.

à Prussis Cruciferis intercepta est A. C. 1398. a Regina Margareta mox recipitur.

Ericus à Svecis, postquam Regnum Dani-
 Pomeranus ibi cum reliquisset, obsessus, sed à *Christi-
 obfessus* *stierno* 1 anno Christi 1449. obsidio-
 a Svecis ne liberatus atque in Pomeraniam
 liberatu- profectus, quemadmodum Ducatu
 ra Christi- Regnum, ita vitam morte commu-
 stierno-
 Daniz-
 Reg. tavit.


Christiernus vero debellatis in
 Gothlandia Svecis, constitutoque
 præfecto Olao Axelson in Daniam
 reversus est, Olao defuncto, ejus
 frater Ivarus præfecturam ab eodem
 Rege adeptus est. Qui cum uxorem
 duxisset Caroli Canuti, Regni Sve-
 tici contra fidem præstitam affecta-
 toris, filiam, à *Johanne* Rege Danie
 præfecturâ suâ submotus est. In lo-
 ri locum substitutus est Johannes
 Halgerson, huic Laurentius Schia-
 kel suffectus est. Post Laurentium
Christiernus II. Anno salutis 1517. Se-
 verinum Norby præfectum consti-
 tuit. Hic anno 1523. ab exercitu Gu-
 stavi Regis Svecorum in arce VVis-
 borg obfesso, sed frustra, nam summa
 virtute Severinus Norby obsidio-
 nem

nem solvit, hostes profligavit, insulaque expulit. Sed anno 1525. tempore Friderici I. à Lubecensibus, qui partes Friderici juvabant, contra Christiernum exulem, cujus nomine Gothlandiam Norby occupavit, obsessum est præsidium Severini Norby in arce, dum ipse in Scania fortunam tentabat. Civitas autem VVisby a Lubecensibus capta, arx VVisbory permansit invicta. Ac vero Severino Norby in Scania victo, reque per senatum Regni composita, Castro quoque VVisborn per Ottonem Krumpen nomine Friderici Regis Daniæ deditione recepto, Severinus ad Carolum V. Rom. Imperatorem confugit. Lubecenses igitur ob præstitam in hoc bello operam contra Christiernum consensu Regis *Friderici* Gothlandiam quatuor annos obtinuerint. Postea continuo sub Danorum imperio securâ gaudens pace hodie obsequium *Friderico II.* Rege ut pio ita justo præstat Insula, idque sub Præfectura Vi-

ri genere virtutibusque cla
Christophori VValchendorp
jus eximia probitas singul
prudentia incolis quotid
probat.

Explicit.











1.

